

四庫全書

經部

欽定四庫全書

經部

詩經卷

二十一

詳校官監察御史臣孫家賢

通政使司副使臣莫瞻菴覆勘

總校官進士臣繆琪

校對官中書臣潘奕雋

謄錄監生臣莊承簪

謄錄監生臣牟焜

欽定四庫全書

詩緝卷二十八

宋 嚴粲 撰

公劉召康公戒成王也成王將蒞政

蒞音利

戒以民事美

公劉之厚於民

箋曰公劉后稷之曾孫

而獻是詩也

箋曰成王始幼少周公居

攝政及歸之成王將蒞政召公懼成王尚幼稚不留意於治民之事故作詩美公劉以戒之也○詩記曰史記云夏后氏政衰去稷不務不密失其官而奔戎狄之間不密孫公劉雖在戎狄之間復修后稷之業密竹律反○王氏曰周之有公劉言乎其時則甚微言乎其事則甚勤稱時之甚微以戒其盈稱事之甚勤以懲其逸蓋

名公之志也

篤公劉

傳曰篤厚也。今日公劉克篤前烈。釋文曰王云公號劉名也。尚書傳云公爵劉名也。王基

云公劉字也。詩故曰周人以諱事神王者。匪居匪康。拾百世名公不當舉名然則公劉其號也。

箋曰康安也。

迺場迺疆

場音亦。信南山傳曰場畔也。董氏曰疆界也。場疆皆田之界畔然詩

言迺場迺疆當有小別疆如封疆所包者廣故王氏於信南山言疆者為之大界然則場是小界今之小田塍也。

迺積迺倉

積如字。董氏曰積委積也。此委積音餽恣。朱氏曰積露積也。

迺粟餽

糧

裏音果餽音侯。今日餽乾食也。解見伐木糧米食也。

于橐于囊

橐音託。傳曰小曰橐大

曰囊。疏曰宣二年左傳稱趙盾見靈輒餓為之簞食與肉寘諸橐以與之橐唯盛食而已是其小也。簞食與

肉寘橐是乾餼盛于橐也。哀六年公羊傳稱陳乞欲立公子陽生盛之巨囊內可以容人，是其大也。○今日東方朔傳云奉一囊粟是思輯用光。輯音集。○今日書輯糧米盛于囊也。奉音俸。

亦聚集之也。

弓矢斯張，干戈戚揚。

箋曰：干盾也，盾食允反。○戈解見曹侯人。○傳曰：戚

斧也。揚，鉞也。鉞音越。○詩記曰：左傳工尹路曰：君王命剝圭以為鉞，秘注鉞斧也。秘柄也。秘音祕。○疏曰：鉞大斧重八斤一名天鉞。爰方啓行。朱氏曰：方猶始也。

首章述公劉在西戎謀遷於豳也。自后稷封於邠傳

子不窋，夏后氏政衰，去稷不務，不窋失其官，竄于西

戎，不窋之孫公劉自西戎而遷于豳，遷國安民，非篤

厚者不能故言篤厚乎公劉也以下乃述厚民之事
唯篤厚故能厚民也公劉之在西戎不敢居處不敢
安寧謂不安於夷狄之陋謀為遷豳之計也將欲遷
國必先聚糧治兵故迺場以治其田之小塍迺疆以
治其田之大界乃蓄其露積乃實其倉廩既已富彊
乃盛其乾餼于小橐盛其糧米于大橐思以歛集其
民而光顯其國遷國則民易離散故必有恩意歛集
之也於是弓矢則張之又有干盾戈戟戚斧揚鉞於

是方開路而行以遷於豳焉

詩記曰毛鄭以公劉居於邠而遭夏人亂避難

遷於豳且以為在邠有疆場積倉為夏人迫逐乃棄而去攷之是章意象整暇不見迫逐之事以國語史記參之蓋自不密已竄于西戎至公劉而復興疆場積倉內治既備然後裹糧治兵拓大境土而遷都于豳焉國都雖遷向之疆場積倉固在其封內也

篤公劉于胥斯原

傳曰胥相也相去聲。今曰聿來胥宇

既庶既繁

箋曰庶衆

也繁多也既順迺宣

曹氏曰順樂從也。陳氏曰宣導也

而無永嘆

平聲

陟則在

嶽

研之上。釋山曰重巖。巖音猷。猷音儼。郭璞曰山形如累兩甌甌甑也。釋文曰毛云小山別于大

山與爾雅異

復降在原何以舟之

傳曰舟帶也

維玉及瑤

音遙。今曰瑤

美玉也王泛言之
琤言玉之美者

鞞琤容刀

○鞞音丙琤必孔反亦作鞞
○琤琤解見瞻彼洛矣○

疏曰此傳云鞞下飾以下不言其飾故指鞞
之體云下飾也○朱氏曰容刀其中容刀也

次章述至豳相宅也篤厚乎公劉也往相廣平之原
地以居其民其民既庶而衆矣既繁而多矣庶即繁
也言庶而又言繁見歸者愈多也衆多則宜意嚮難
齊今皆順從而樂遷矣公劉又恐民之初遷有懷不
能以自達迺復宣導在下之情欲人人皆得其所也盤
庚之民必再三宣導而後順從今既順迺宣則本無

杆格而上猶慮其壅蔽也故歡欣交通無有永嘆而
不滿者非民咨胥怨之比也民見公劉升則在嶽山
之上以觀其形勢復下而在原以察其處所反覆相
視以民居為重遂言公劉登陟之際何所佩帶乎惟
玉及美玉之瑤又有鞞鞘其上飾有琇以容其刀也
稱公劉佩服之美者承上文而無永嘆述斯民喜之
之情也

黃氏曰詩人之情其惡是人也必言其車服之盛佩服之飾以見其不足以稱之其喜是

人也亦必言其車服之盛佩服之飾以見其足以稱之

○縣廼宣無廼畝言之

則為宣導溝洫此廼宣承既順言之下云而無永嘆則為宣導下情

篤公劉逝彼百泉

箋曰逝往也。張子曰只看百泉之往處便知地形也。

瞻彼溇

原

溇音普。箋曰溇廣也。

廼陟高岡

箋曰山脊曰岡。

廼覲于京

傳曰覲見也。箋曰

絕高為之京。李巡曰丘之高者曰京。今曰此乃覲于京非岐周地名之京故鄭氏以為絕高為之京謂

高丘耳。有

京師之野

傳曰是乃大衆所宜居也。董氏曰所謂京師者始於此其後

世因以所都為京師曰嬪于京依其在京則岐周之京也王配于京則鎬京也春秋所書京師則洛邑也皆仍

其本號而稱之猶晉之言新絳故絳也公羊以為衆大非也。

于時處處

音

于時廬旅

傳曰廬寄也。疏曰地官遺人云十里有廬是舍之名賓客寄舍其中衛戴公廬于漕遺去聲于時言

言

傳曰直言曰言。疏曰謂一人自言。蘇氏曰言言施教令

于時語語

傳曰論難曰語。疏

曰謂二人相對。蘇氏曰語語議政事

三章述營度邑居也篤厚乎公劉也其營京邑也自下觀之則往彼衆水所聚之處又望彼溥廣之原自上觀之則升彼南山之岡脊乃見高大之京丘可居也此京地乃衆民所宜居之野於是經畫以定之於此作民居以處其處者於此作客舍以廬其旅者於

此施教令於此議政事各有其所見規模整整也處
謂居民旅謂賓旅也。百泉衆水也。令地理家言衆
水所聚為得水也。曹氏據杜佑云百泉在漢為朝那
縣屬安定郡在唐為百泉縣屬平涼郡魏於其地置
原州唐因之當是其地因詩百泉而得名猶因杜詩
不夜月臨關後人遂置不夜關耳

篤公劉于京斯依蹌蹌濟濟

濟齊之上

俾筵俾几

箋曰俾使也

既

登乃依

毛如字鄭上聲○傳曰賓登席依几

乃造其曹

造音慄○箋曰造適也○傳曰曹羣

也 執豕于牢

傳曰執豕于牢新國則殺禮也殺所戒反
○疏曰饗禮當烹太牢以飲賓此唯用豕

新至臨地殺禮也晉語云大任洩於豕牢而生文王即
牢是養豕之處燕禮羹定乃納賓此賓升乃執豕者其

實執豕在登席之前欲使賓與殺酒各
自相近故也洩音搜作濬同小便也 酌之用匏

音庖

曰酌之用匏儉以質也○疏曰
匏是自然之物故云儉且質也 食之飲之

食音嗣
飲音蔭

君之

宗之

傳曰宗
尊也

四章述宮室既成而落之也篤厚乎公劉也於此高

丘之京依而居之謂宮室既成而安其居也於是與

羣臣飲酒以落之其禮容之盛蹌蹌濟濟然公劉使

人為之設筵使人為之設几賓已登席坐矣乃依几
矣前乎此公劉使人造適其牧豕之羣執豕於牢中
以為飲酒之殽其酌此酒用匏為爵公劉之於羣臣
既設饌以食之設酒以飲之禮雖簡儉羣臣君之尊
之不失敬也

篤公劉既溥既長

箋曰溥廣也

既景迺岡

傳曰考于日景參之高岡。今曰地

官大司徒正日景以求地中注景如字本或作影非

相其陰陽

相去聲。箋曰相其陰陽寒暖所宜

觀其流泉

疏曰流泉所以灌溉

其軍三單

箋曰大國之制三軍以其餘卒為羨今公劉遷

於豳民始從之丁夫適滿三軍之數單者無美卒也美
延之去聲。䟽曰小司徒云凡起徒後無過家一人以

其餘為美美謂

度其隰原

度音鐸

徹田為糧

箋曰什一而稅謂之徹。

李氏曰周之徹法最為盡善

度其夕陽

傳曰山西曰夕陽。

自公劉始後世從而守之。者豳之所處也。䟽曰豳在其山之西不知是何山也。書傳說大王去豳踰梁山注云梁山在岐山東北然則

豳國之東有大山者其唯梁山乎

豳居允荒

豳解見豳譜。傳曰荒大也。

五章述辨土宜制軍賦也篤厚乎公劉也所遷之地

既廣矣既長矣既揆之日景以定其東西於是升高

岡以相其陰陽寒煖之宜觀其水泉灌溉之利將以

治田疇也。后稷上公之封，大國三軍，以其餘卒為美。今丁夫適滿三軍之數，唯單而已，無羨卒也。又於是度其隰田原田之多少，以什一之徹法取於民，以為糧食。地利肥磽不同，故必度之而後可以制賦。三軍唯單，賦法以徹，兵食皆不病，民厚之至也。邠國在梁山之西，故言自公劉相此夕陽之地，以建邠居信乎。其荒大也，美其遷國之善也。

篤公劉于邠斯館

傳曰：館，舍也。○朱氏曰：客舍也。○補傳曰：始言斯館，卒言止旅，蓋以處新。

也。昨涉渭為亂。傳曰：正絕流曰亂。朱氏曰：舟之絕流橫渡者也。取厲取鍛。丁亂反。

朱氏曰：厲，砥石也。○止基廼理。解頤新語曰：止基，居止之基。爰衆爰

有夾其皇澗。傳曰：皇澗，名也。遡其過澗。過，平聲。傳曰：遡，嚮也。過澗名也。止旅

廼密。今曰：止旅，來止之旅。蒨蒨之即。蒨如銳反。本又作蒨，音蒨。蘇氏曰：蒨水出吳山西北。

東入涇，蒨蒨水之外也。○今曰：西漢地理志扶風汧縣注云：蒨水出西北，東入涇，引此詩為證。蘇說是也。毛

以蒨為水涯，鄭以為水之內。今不從汧音牽。○箋曰：水之內曰隩，水之外曰蒨。○疏曰：即就也。

末章述處新昨也。新昨之至者，公劉為作館以居之。

將作此館舍，先使人涉渡渭水，乘舟橫渡為亂而過。

取厲刀之石又取所鍛之鐵以治其器用既定居止之基廼疆理其田畝其相續而來者愈多愈有於是或有夾皇澗而在澗兩邊以居者或有遡過澗而開門向水以居者既而來止之旅日以益密皇澗過澗之旁不足以容之於是又就芮水之外而居之詩記曰風氣日開民編日衆規模日廣有方興未艾之象焉周之王業既兆于此矣○鍛毛氏以為石朱氏以為鐵今考鍛打鐵也其字從金礲者礪也其字從石此鍛從金則當為鐵嵇康好鍛是也

公劉六章章十句

洞酌

洞音迴

召康公戒成王也言皇天親有德饗有道也

疏曰言為民父母是有道德

洞酌彼行潦

音老。傳曰洞遠也行潦流潦也。疏曰行者道也潦者雨水也行道上雨水流聚

挹彼注兹

挹音邑

可以餽餽

餽音分字亦作饋餽音熾。釋文曰餽蒸米也。傳曰餽

餽也餽酒食也餽音留。疏曰說文云一蒸米也然則蒸米謂之餽餽必餽而熟之非訓餽為餽也豈第

君子民之父母

言使人遠往酌取流行之雨潦置之大器待其澄清

又挹取之於彼大器之中注之於此小器之中猶可
灌沃饔餼米以為酒食此薄陋之物而可以祭祀使天
饗之者由設祭者是豈第樂易之君子而為民之父
母也祭不必用行潦甚言不在物也

澗酌彼行潦挹彼注茲可以濯罍

音雷。傳曰濯滌也。罍祭器。疏曰春官

司尊彝云四時之祭皆有罍是罍為祭器也。卷耳云我姑酌彼金罍則饗燕亦有罍以此論祭事故言祭器耳。

豈第君子民之攸歸

澗酌彼行潦挹彼注茲可以濯漑

音槩。傳曰漑清也。疏曰漑亦洗之使

清
潔豈第君子民之攸暨音饋。傳曰暨息也。

洞酌三章章五句

卷阿

卷音權

召康公戒成王也言求賢用吉士也

公劉疏曰卷阿

末句云矢詩不多維以遂歌是總結之辭三篇次第元是召公作之先後公劉言成王將蒞政而獻是詩明下兩篇亦是蒞政之時俱獻之也

經言君子又言吉士君子者尊貴之稱士者衆多之目其曰藹藹吉士維君子使是吉士者君子所引善類而君子者吉士之宗主也故經以鳳凰之希有喻

君子以羽聲之衆多喻吉士也序言求賢用吉士賢
指經中之豈第君子吉士指經中之藹藹吉士也謂
求豈第君子以任用吉士也成周之朝吉士雖衆多
不可無大賢以為之統盟公劉洞酌卷阿三詩皆成
王蒞政康公作之以戒王也周公有明農之請將釋
天下之重負以聽王之所自為康公慮周公歸政之
後成王涉歷尚淺任用非人故作卷阿之詩反覆歌
詠有言之不盡之意欲以動悟成王若曰周公欲歸

政矣王所倚仗者誰歟以壯銳之氣享盛大之業若
任用非人將傷大體王當虛心屈已以求豈弟之賢
而任之豈弟君子云者乃篤厚純固盛德之人可以
彌性而輔君德可以為則而儀百辟可以為綱而總
衆職可以任使吉士而司進退人物之權此其責任
至重前乎此者周公實任之王盍求其可以任周公
之事者而繼之乎苟求其人而未得則周公其可以
遂明農之請乎康公所以動悟成王者其辭婉矣周

名同心如此乃知周公居東之初成王未悟之日伐
柯九戔等詩人心顚顚謂朝廷一日不可無周公在
名公必不但默也史傳略耳

有卷者阿

箋傳曰卷曲也
箋曰大陵曰阿

飄風自南

飄如字從韻書本
注音飄。傳曰飄

風回風也。疏曰李巡云旋風也。檜風云匪風飄兮何
人斯云其為飄風彼皆不言自南故以為惡此言從長
養之方故為喻善。○今日南溫厚之氣
風自南則得溫厚之氣故能長養萬物豈弟君子來游

來歌以矢其音

傳曰矢陳也。○今日釋文云矢陳也直
也矢其音謂直陳其音如矢口成文之

也矢

興也阿不曲則風無自而入故必有卷然之阿而後
自南長養之風飄回而入喻人君能虚心屈已而後
足致豈弟之大賢也誠使豈弟君子來而與王游來
而就王歌以直陳其聲音使之盡吐其所欲言而無
所顧慮則薰陶漸染所以養成君德者亦如南風之
養物矣

伴奭爾游矣

伴奭音判喚徐音畔換。箋曰伴奭自縱弛之意。今曰安肆之意。優游爾

休矣

錢氏曰優游閒暇貌

豈弟君子俾爾彌爾性

王氏曰彌者充而成之使無間

之謂也。釋文曰彌益也。

似先公苗矣

苗音道。慈秋反。傳曰似嗣也。苗終也。

承上章言賢者既來游矣。爾成王當與之安肆而游處閒暇而休息。從容款密與之浹洽。則此豈弟之賢必有薰陶漸染之功。而使爾彌益其德性。以繼嗣先公之業而克終矣。彌性非矯揉彊勉之所及。唯有德之賢朝夕與之游處。久而與之俱化耳。不言先王而言先公。不忘所起之艱難也。

爾土宇版章

版音反。韻又音版。錢氏曰土疆土也。字字內也。傳曰版大也。蘇氏曰章著也。

亦孔之厚矣豈弟君子俾爾彌爾性百神爾主矣

成王承文武之緒其土宇畝大而章著大則疆理混
一章則法度修明亦甚厚而不可加矣豈可任非其
人而敗壞之乎惟得豈弟之賢而用之以彌益其德
性則百神歆饗之皆以汝為主矣有天下者祭百神
社稷宗廟之主也

爾受命長矣

陳氏曰長累世已久

弟祿爾康矣

弟音弗。箋曰弟福也。

豈弟

君子俾爾彌爾性純嘏爾常矣

嘏音假。箋曰純大也。蘇氏曰嘏福也。

爾受天命其傳已久福祿已安矣周以積累之久而
後興故享之而安也然豈可任非其人而斲喪之乎
惟得豈弟之賢而用之以彌益其德性則大福爾可
常享矣二章三章四章皆言彌性者謂此豈弟之賢
闕君德之涵養成就而非小有材者所能與也

有馮有翼

馮音憑。傳曰馮依也。翼輔翼也。蘇氏曰在前則有馮在側則有翼。

有孝有

德以引以翼

王氏曰以引引其前以翼翼其左右。劉氏曰引其居以當道予欲左右有民汝翼

豈弟君子四方為則

箋曰則法也

馮翼孝德之人即藹藹吉士也成王左右前後有可
為馮依者有可為輔翼者有孝行者有賢德者凡此
諸賢王能有之以引導輔翼其身矣然必得豈弟之
大賢以為四方之法而儀刑百辟也○說者多以四
方為則非人臣之事遂以豈弟君子為斥成王然首
章來游來歌便說不行吉甫萬邦為憲申伯文武是

憲山甫式是百辟嘉賓是則是倣皆人臣事也

詩記曰賢

者之行非一端必曰有孝有德何也蓋人主常與慈
祥篤實之人處其所以興起善端涵養德性鎮其躁

而消其邪日改月化有不在言語之間者矣故宣王
之在內者唯云張仲孝友而蕭望之亦謂張敞材輕
非師傳之器
皆此意也

顯顯印印

傳曰顯顯溫貌印印盛貌○箋曰

如圭如璋

令聞令望

聞音問○箋曰人間之則有善聲譽人望之則有善威儀

豈第君子四方

為

綱箋曰綱者能張衆目

外之體貌顯顯然敬順內之志氣印印然高明其德
如玉之圭璋表裏純一也人間之有善聲譽人望之
有善威儀此豈第之君子可以為四方之綱也綱舉

則目張謂總提綱維也。說者以顒顒印印而下為成王非也。假樂嘉成王故稱穆穆皇皇。此詩以成王初蒞政而戒之。則不當過為稱譽之辭也。

鳳皇于飛

傳曰鳳皇靈鳥仁瑞也。雄曰鳳。雌曰凰。

翔其羽

翔音誨。傳曰翔衆多也。

也。箋曰羽聲也。曹氏曰說文云翔翺飛聲也。飛而有聲則衆羽也。鳳皇希見之鳥不應羣飛之衆如此則翺翺其羽者乃鳳皇飛而衆鳥從之也。說文云鳳飛羣鳥從之以萬數。

亦集爰止

箋曰爰于也。

藹藹王多吉士

蘇氏曰藹藹衆多也。

維君子使

今曰此君子即前數章所稱豈第君

也。媚于天子

因時鳳至故以喻賢者鳳飛鳥之出乎其類者衆鳥所慕也鳳皇于飛而翾翾然衆羽之聲亦集於所止之地猶大賢用而善類樂附之從其類也今王朝之上吉士藹藹衆多矣然必得大賢君子為之宗主而器使之則聲應氣求各盡其心以媚愛于天子矣言王多吉士是王已有之吉士見於已用者成周人材最盛而可以當鳳皇之喻為人材之統盟者捨周公其誰哉

鳳皇于飛翾翾其羽亦傳于天

傳音附。箋曰傳猶戾也。

藹藹王多

吉人維君子命

箋曰命猶使也。

媚于庶人

箋曰親愛庶人謂無擾之。

鳳皇鳴矣于彼高岡

曹氏曰高岡衆人所見聞也。

梧桐生矣

疏曰梧桐一木

耳。曰梧桐青桐也。

○山陰陸氏曰梧桐華淨妍雅極可愛故多近

齋閣種之梧桐皆五馬其子似乳綴其橐鄂生多或

五六少或一二飛鳥喜巢其中莊子所謂桐乳致巢是

也今亦謂之梧子

于彼朝陽

傳曰山東曰朝陽。○疏曰朝先見日也。曹氏曰向陽而易茂也。

萃萃萋萋

萃布孔反。傳曰梧桐盛也。

雖雖喈喈

傳曰鳳皇鳴也。

言今鳳皇已鳴矣其鳴在于高岡之上衆所聞見喻

大賢處高顯之地非潛伏側陋也此大賢非有道不見如鳳皇非梧桐不棲今梧桐已生矣其生在於朝陽之地向陽則易茂喻今太平之時也有其人又有其時如梧桐蓁蓁萋萋而茂盛鳳皇雖雖喈喈而和鳴君臣遇合之盛如此也康公所指豈難知哉成王可以默會矣

君子之車既庶且多

箋曰庶衆也

君子之馬既閑且馳

箋曰閑習

也矢詩不多維以遂歌

此君子其車已衆而多矣其馬既閑習而能馳矣言其爵位尊顯錫賚已厚所謂大賢可為多士之宗主者此其人也我陳詩之意初無多說只為此一事耳維王歌詠之深味乎吾言可也康公三詩皆作於成王將蒞政之初公劉洵酌皆直述之辭唯卷阿宛轉反覆使人再三歌詠而後悟蓋其深意所寓實在此篇也

卷阿十章六章章五句四章章六句

民勞召穆公刺厲王也

江漢賡曰召穆公名處。江漢疏曰康公十六世孫。朱氏曰

厲王名胡成王七世孫。疏曰夷王子。周語上云厲王虐國人謗王召公告曰民不堪命矣王怒得衛巫使監謗者以告則殺之國人莫敢言道路以目王喜告召公曰吾能弭謗矣乃不敢言召公曰是障之也防民之口甚於防川壅而潰傷人必多民亦如之是故為川者決之使導為民者宣之使言故天子聽政使公卿至於列士獻詩瞽獻典史獻書師箴瞽賦矇誦百工諫庶人傳語近臣盡規親戚補察瞽史教誨耆艾修之而後王斟酌焉是以事行而不悖王不聽於是國人莫敢出言三年乃流王於彘

朱氏以此詩乃同列相戒之辭未必專為刺王而發

然其憂時感事之意亦可見矣其說是也詩言以定

我王又言以為王休又言戎雖小子皆語同列之辭
以詩之辭戒同列所以刺王也

民亦勞止汜可小康

汜欣之入。箋曰汜幾也康安也。孫炎曰汜近也。今曰幾舊音。

祈易汜至亦未繙井彼注云幾也音析或音機此詩訓幾為庶幾當音機也繙音聿

惠此中國

箋曰

惠愛也。傳曰中國京師也。

以綏四方

箋曰綏安也。傳曰四方諸夏也。

無縱詭隨

詭音宄。今曰詭詐也。懷詐面從也。

以謹無良

今曰無良不善也。

式遏寇虐

詩記曰一

言而喪邦曰惟予言而莫予違則詭隨之人誠覆邦。家之人也無縱詭隨乃所以謹無良而遏寇虐也。

不畏明

懽音慘。錢氏曰懽痛也明人所共見也。

柔遠能邇

能毛如字鄭音耐。傳曰柔安

也。○今日以柔撫之中庸所謂柔
遠人也能為能其事猶言克家也 以定我王

穆公戒同列之用事者言國以民為本民勞則國危
今周民亦疲勞矣庶幾可以小安之乎京師諸夏之
根本愛此京師則可以安天下也對夷狄言之則總
諸夏為中國對四言之則指京師為中國也詭隨
者心知其非而詐順從之此姦人也書所謂面從並
子所謂面諛也人見詭隨者無所傷拂則目為善良
不知其容悅取寵皆為自利之計而非忠於所事實

非善良之士也苟喜其甘言而信用之足以名禍亂
致寇虐但權位尊重者往往樂軟熟而憚正直故詭
隨之人得肆其志是居上位者縱之為患也今戒用
事者無縱此詭隨則可以謹防無良之人用遏止其
寇虐此理明甚可痛其不畏明也遠謂夷狄邇謂中
國治道略外而詳內夷狄則撫柔之而已中國則禮
樂之治甚詳故必能其事也惟柔遠能邇者可以安
吾君而何取於詭隨乎

民亦勞止汙可小休

箋曰休止息也

惠此中國以為民逌

音求箋

曰逌聚也○李氏曰言使民無離散也

無縱詭隨以謹惓惓

惓惓音昏詭○箋曰惓惓

猶謹謹也○補傳曰惑亂人主也

式遏寇虐無俾民憂無棄爾勞

箋曰勞猶

功也以為王休

箋曰休美也

無縱詭隨之人以防其惓惓惑亂主聽也爾前有功

於國今勿棄其前功則為吾君之美謂使其君安富

尊榮也不然敗君之事矣

民亦勞止汙可小息

傳曰息止也

惠此京師以綏四國無縱

詭隨以謹罔極

今日無有窮極謂無所不至也罔極解見衛氏

式遏寇虐無俾

作慝

傳曰慝惡也

敬慎威儀以近有德

詭隨之人無所不至所謂罔極也無縱詭隨而必近有德謂遠佞而親賢然非修身則賢不可得而親故必敬謹威儀而後可以近有德

民亦勞止汔可小愒

音器字亦作憇傳曰愒息也

惠此中國俾民憂

泄

音曳又音薛傳曰泄去也

無縱詭隨以謹醜厲

傳曰厲惡也補傳曰醜厲猶

言醜惡也

式遏寇虐無俾正敗

箋曰敗壞也無使先王之正道壞

戎雖小子

箋曰戎猶女也。今日小子指用事之人也。

而式弘大

箋曰式用也弘猶廣也

詭隨之人終必召亂是為醜厲也又戒其同列之用
事者云汝雖小子而所用事甚大關於邦之興喪不
可不謹也豈可樂佞諛而縱詭隨乎。舊說以此詩
戒雖小子及板詩小子蹻蹻皆指王小子非君臣之
辭今不從二詩皆戒責同寮故稱小子耳

民亦勞止汔可小安惠此中國國無有殘

李氏曰無殘敗之禍也

無縱詭隨以謹繾綣

音遣犬。蘇氏曰繾綣小人之固結其君者也

式遏寇虐

無伴正反

王氏曰正敗者敗而已未盡反而為不正也
正反則無正矣。曹氏曰以是為非以惡為

善一切相反
則亡無日矣

王欲玉女是用大諫

此詩五章言無良憮惓罔極醜厲繾綣皆極小人之
情狀而總之以詭隨蓋小人之媚君子其始皆以詭
隨入之其終無所不至孔子所謂佞人殆也召公稱
厲王而告之言我欲使爾如玉無瑕可指故用此大
諫於王也謂其戒同列者即所以諫王上行而下儆
故也

民勞五章章十句

板音版凡伯刺厲王也

箋曰凡伯周同姓周公之胤也入為王卿士。疏曰僖二十四年左

傳云凡伯邢茅胙祭周公之胤也。瞻卬凡伯刺幽王春秋隱七年天王使凡伯來聘世在王朝蓋畿內之國祭

側界反

朱氏以此詩為切責其寮友用事之人而義歸於刺

王與上篇同味詩意信然

上帝板板

釋訓曰板板僻也。傳曰反也。疏曰邪僻即反戾之義

下民卒瘁

卍之上

箋曰卒盡也。傳曰瘁病也。

出話不然

話准之去。朱氏曰不然不合理也。為猶不遠

靡聖管管

李氏曰人苟知有聖人之法度則必戰戰兢兢不敢苟作其心既無聖人則矯誣詐偽何

所不至哉。箋曰管管以心自恣。曹氏曰管小物不也。蔑棄聖人而管管然自用其私智其所見亦小。

實於亶

傳曰亶誠也

猶之未遠是用大諫

一章至五章皆切責寮友之辭厲王邪僻凡伯不欲

斥王而歸之於天曰上帝板板然反其常道使下民

盡病矣今爾羣臣當有嘉謀嘉猷以扶持之今乃出

言不合於理為君謀事又不能遠其心以為無聖人

管管然以淺見自用故矯誣詐偽不實於為誠信而

偽為誠信惟汝之謀猶不遠我是用作此詩以大陳

正於汝也

天之方難無然憲憲

傳曰憲憲猶欣欣也

天之方蹶

音貴。傳曰蹶動也

無

然泄泄

音曳。今日左傳其樂也洩洩注云舒散也韻洩亦作泄朱氏孟子解云急緩之貌曹氏以為

盤樂急傲之意其說一也

辭之輯矣

輯音集。傳曰輯和也

民之洽矣

傳曰洽合也

辭之懌矣

懌音亦。傳曰懌悅也

民之莫矣

傳曰莫定也。今日求民之莫

天方艱難禍亂將作汝衆人無為是憲憲然欣喜而

不知憂懼也天方震動民將不安汝衆人無為是泄

泄然怠緩而不思勉勵也汝惟不知憂患故各逞私
意議論矛盾耳於是又戒之言爾察友之相與若言
辭輯睦而相孚則下民洽比矣若言辭悅懌而相得
則下民安定矣謂方時多艱惟同心謀國議論和協
則庶幾民可安耳○舊說辭為王者出令然尋繹經
意上承憲憲泄泄之文下接我雖異事之章皆切責
察友之言中間攬入王者出令之事則上下辭意皆
無倫序矣此詩首章責同察出話不然為猶不遠故

二章因戒之以言論之間宜相和協謂爾之出話為
猶徒執一己之見者未必有深長之慮而惟察友之
聞和同商議庶幾合謀并智可以措民於安耳然愚
而自用者終不能舍己而從人故三章言我即爾謀
聽我囂囂四章言匪我言耄爾用憂謔謂己以善言
告之而不見聽也善言既不見聽乃大言虛誕諛言
阿附善人見其如此不肯復言矣故五章言無為夸
毗善人載尸也前五章皆說察友議論不相協猶小

旻詩六章其前五章皆說謀猶之不臧也達觀上下
章旨知辭之輯懌非謂王者出令矣

我雖異事及爾同寮

傳曰寮官也

我即爾謀聽我囂囂

音遼傳

曰囂囂猶警警也警音教。疏曰謂傲慢其言而不聽之。

我言維服

今曰服行也說命說乃言惟服

注云其言皆可服行

勿以為笑先民有言詢于芻蕘

音饒。傳曰芻蕘采薪者

○疏曰芻者飼馬牛之草蕘者供燃火之草

我雖與汝所職之事各異乃與汝同官俱為卿士我
就汝謀忠告而善道之汝聽我言乃囂囂然傲慢而

不受我所言乃可服行汝無笑之古之賢者有言云
有事當謀之芻蕘之人芻蕘之賤尚當謀之況我與
汝同寮乎此章言寮友之間議論不合其辭之不輯
憚可想見矣

天之方虐無然謔謔

虐虐反。蘇氏曰戲侮也。

老夫灌灌

音貫。傳曰灌灌猶

款款也。疏

小子蹻蹻

音膝。今曰小子承上章同寮

之人指用事之人也。傳曰蹻

蹻蹻貌。李氏曰說文舉足高是蹻之意。

匪我言耄

音

爾用憂謔多將煬煬

許酷反。傳曰煬煬熾盛貌。

不可救藥

疏曰如人病甚不可救以藥。王氏

曰列子云曾不發藥乎左
氏云不如吾聞而藥之也

天今方將為虐有喪亡之禍汝無如是譴譴然戲侮
而不知憂懼也我老夫涉歷已多知亂亡之將至則
濯濯然款誠以告汝汝後生小子乃蹻蹻然驕慢安
其危而利其菑以我之言為老耄而昏繆也然我所
言實非老繆乃女以可憂之事為戲譴耳積惡愈多
將煬煬然如火之熾盛不可救止而藥治之也此章
又見其議論之不相合矣。舊說以小子指王今不

從

天之方儕

音劇。傳曰儕怒也。

無為夸毗

夸音誇。毗音附也。朱氏曰夸大

不以大言夸之則以諛言毗之

威儀卒迷善人載尸

王氏曰善人載尸則不言不為飲食

而民之方殿屎

殿顛之去郭音玷屎音照。傳曰殿屎呻吟也。

則莫我敢葵

傳曰

葵揆也。今日采菽天子葵之

喪亂蔑資

傳曰蔑無也。今日無以為資言無生生之計也。

曾

莫惠我師

夸謂大言虛誕毗謂諛言阿附天今方降威怒汝衆

人無為夸大毗附也今衆人之威儀盡迷亂其有號

為善人者亦如祭祀之尸不言不為矣天下之民方
殿屎呻吟莫有敢揆度其事者民遭喪亂無以為資
曾莫有施惠我衆民者皆責之辭也

天之牖民

曹氏曰說文云在屋曰甸在牆曰牖。錢氏曰開明也。如堦如筮

堦音堦

喧。堦音池

堦音解見何人。如璋如圭

傳曰璋圭言相合也。如璋如圭

璋圭言相合也。疏曰半圭為

璋合二璋則成圭。如取如攜

傳曰取攜言必從也。疏曰半圭為

如取如攜

益牖民孔易

音異鄭音亦

民之多辟

辟音辟

無自立辟

音闕。傳曰辟法也。

六章泛言治民之道也言人心本虛明以物欲窒之

則如牆然冥昧罔覺苟能順天之理以開明人心如
開牖於牆復其本然之明也如墮麓之相和墮唱而
麓和言必應也如璋圭之相合合二璋而成圭言必
同也如往取物之必得如手攜物之必從也攜而必
從非別立一道以增益之也因其所固有耳牖民之
道甚易也今民雖多邪辟而本然之天自若亦唯因
其固有而開明之耳勿自立法以彊之自立法則是
益也非天也六章至八章皆責寮友而因以誨王也

价人維藩

价音界藩音蕃○傳曰价善也○疏曰藩者園圃之籬

大師維垣

大今如字

舊音泰○王氏曰大師大衆也○傳曰垣牆也

大邦維屏

音丙○箋曰大邦成國諸侯也

大宗

維翰

王氏曰大宗巨室也○傳曰翰幹也○翰解見文王維周之禎

懷德維寧宗子維

城無俾城壞無獨斯畏

七章泛言用人之效也言善人所以為藩籬大衆所

以為垣牆大邦所以為屏蔽巨室所以為翰幹國家

所恃在此數者苟能使懷我之德則無有不寧矣又

同姓之宗子所以為城之固亦當保安之勿使此城

有壞無至於獨居而可畏懼也

敬天之怒無敢戲豫

傳曰戲豫逸豫也

敬天之渝

箋曰渝變也

無敢

馳驅

傳曰馳驅自恣也

昊天曰明及爾出王

傳曰王住也

昊天曰旦

傳曰旦明也。今日天曉曰旦故為明信誓旦旦是也

及爾游衍

延之去又音演。傳曰游行也

衍溢也

八章泛言敬天之誠也言當敬天之威怒無敢戲謔

逸豫又當敬天之災變無敢馳驅自恣戲豫即無逸

所謂耽樂馳驅即無逸所謂游田也昊天在上人仰

之皆謂之明皆謂之且常與汝出入往來游溢相從

視人善惡可不謹乎

張子曰此言天心虛靈之氣偏體萬物之中其鑒察如在左右

而不遺也詩人之言鬼神也如此又曰天體物而不遺猶仁體事而無不在也

板八章章八句

詩緝卷二十八

欽定四庫全書

詩緝卷二十九

宋 嚴粲 撰

蕩之什

大雅

蕩

唐之上濁

召穆公傷周室大壞也厲王無道天下蕩蕩無

綱紀文章故作是詩也

蘇氏曰蕩之所以為蕩由詩有蕩蕩上帝也詩序以為天下蕩

蕩無綱紀文章

則非詩之意也

傷者傷悼其將亡甚於刺也臣子作詩皆發於憂國

之忠欲以感悟其君雖弊壞已極猶庶幾其改圖君
臣大義無所逃於天地之間此詩託言文王歎商特
借秦為喻耳或謂傷者傷嗟而已非諫刺之比如此
殆類後世詞人弔古之作非當時臣子惓惓之義也
大序言傷人倫之廢吟詠情性以風其上傷何妨於
風刺乎

蕩蕩上帝

歐陽氏曰蕩蕩廣大也

下民之辟

音壁。傳曰辟君也

疾威上帝

朱氏曰疾威猶暴虐也

其命多辟

音僻。箋曰邪僻也

天生烝民

箋曰烝衆也

其

命匪諶

市林反韻亦作忱
朱氏曰諶信也

靡不有初鮮克有終

鮮上聲
箋曰

鮮寡也
克能也

周人遭厲王之暴虐呼天而告之曰蕩蕩廣大乎上帝此下民之君也謂天子也今暴虐之上帝何其命之多僻也謂命僻王以為君也疾威者厲王所為而天實命之是天為此疾威也天實為之則無所歸咎矣然天亦豈欲令厲王為惡乎天生衆民其命有不可信者其初皆善而其終鮮善是人自暴自棄非天

使之然也王自不為善豈天賦予以惡哉首章說得

含蓄至五章七章乃發之

朱氏曰蓋殆為無所歸咎之辭而卒自解之如此○

王氏曰民受天地之中以生所謂命也能者養之以福不能者敗以取禍受天地之中一也則靡不有初

敗以取禍者衆則鮮克有終鮮克有終則命靡謔矣

文王曰咨

傳曰咨嗟也

咨女殷商

曹氏曰契始封於商其地在洛陽受命於亳殷其地

地在蒙故後世或謂之殷今曰殷商併舉之也

曾是彊禦

曾音增○今日曹則也論語曾是以為孝

乎其音層者辭之舒也嘗也彊禦禦善也

曾是掊克

掊音裒○釋文

曰掊聚斂也○曹氏曰斂民財則作威以勝之不恤也

曾是在位曾是在服

傳曰服

政事也

天降洺德

洺音叨。傳曰洺慢也。○李氏曰如洺天之洺。

女興是力

三章以下設為文王歎商之辭蓋陳厲王之失而託之商也文王曰嗟乎嗟汝殷商之君則是彊梁禦善之人則是掊歛好勝之人乃任用之使之居位使之任事天降是洺慢凶德之人以妖孽天下汝又興起崇任之甚力何哉

曹氏曰治生乎君子亂生乎小人而君子小人之生昔人以為各有

天命將治則生君子將亂則生小人天降洺德是將亂而生小人也然而治世未嘗無小人亂世亦未嘗無君子厲王之世天非獨生榮夷衛巫之徒也凡伯召穆衛武皆在焉泰王不用何

文王曰咨咨女殷商而秉義類

朱氏曰而汝也義類猶善道也

彊禦多

懟

音瑩。朱氏曰懟怨也

流言以對寇攘式內侯作侯祝

作音詛祝音晝

箋曰侯維也。傳曰作祝詛也

靡屈靡究

傳曰屈極也究窮也

汝當秉持善道乃用彊禦作怨之人非善類也此人

問之則以流言對非忠言也道途之言豈足信哉小

人為盜賊之行是寇攘不在外而在內也人心相疑

則詛祝相要無有屈極窮究之時忠信之衰也

文王曰咨咨女殷商女魚休于中國

魚音庖休音哮火交反。箋曰魚休

自矜氣健之貌斂怨以為德不明爾德時無背無側背音爾德

不明以無陪無卿

傳曰陪陪貳也。○疏曰陪貳謂副貳王者則三公也

女魚休自矜氣健于中國斂民之怨乃自以為德汝

所以是非顛倒邪正錯亂不能明爾之德者由汝背

後傍側皆無賢人以引翼之也爾之德所以不明者

由汝無陪貳之大臣又無賢六卿也背側言前後左

右也

文王曰咨咨女殷商天不洎爾以酒

洎音免。○蘇氏曰沈洎也。○疏曰酒

詰注云飲酒齊色曰酒

不義從式

朱氏曰式用也法也

既行爾止

蘇氏曰容止也

靡

明靡晦式號式呼

號音豪

俾晝作夜

天不使爾沈湎於酒而惟不義之事則從而法之也

非天使之是汝自為惡也言此者發首章靡不有初

鮮克有終之意也爾之容止既自取愆過又無明無

晦而飲酒不息叫號謹呼使晝日作夜荒亂甚矣

文王曰咨咨女殷商如蜩如蟥

蜩音條蟥音唐○今曰蜩者蟬也諸蟬之總名

也蟥者蟥也蟥蜩也蟥音唐○蜩蟥解見七月

如沸如羹小大近喪

去聲

人尚乎

由行內𦣻于中國

𦣻音備。傳曰𦣻怒也。

覃及鬼方

疏曰覃及延及也既濟高

宗伐鬼方未知何方

飲酒號呼之聲如蜩蟬蟾蜍之鳴其笑語沓沓又如湯之沸如羹之熟無小無大皆近喪亡矣而汝等人尚由而行之不改過乎昏亂如此故內致怨怒於中國延及鬼方遠夷亦怒之也

文王曰咨咨女殷商匪上帝不時

朱氏曰不時不善之時也

殷不用

舊雖無老成人尚有典刑

朱氏曰典刑舊法也

曾是莫聽大命以

傾

今曰盤庚云懋建大命大命謂國之興亡也

不時者猶言厄運非上天為此厄運乃殷自不用其先王之舊法耳亦以發首章靡不有初鮮克有終之意也縱無老成舊臣尚有先王法度可以遵守汝曾莫能聽用遂自傾覆其大命而歸咎於天可乎

文王曰咨咨女殷商人亦有言顛沛之揭

沛音貝揭音結。傳曰顛

仆也沛拔也箋曰揭蹶貌

枝葉未有害本實先撥

音鉢。箋曰撥猶絕也

殷

鑒不遠在夏后之世

古之賢人有言植木將欲顛仆沛拔揭然而蹶其枝
葉未有折傷而本根實先斷絕王者天下之本也天
下未有禍敗而王身無道本先撥矣枝葉將從之也
殷之鑒戒甚不遠惟在夏后之世謂殷當鑒夏今又
當以殷為鑒意在言外也

歐陽氏曰謂紂時宗廟社稷猶在天下諸侯未盡叛

但王自為惡盈
滿而禍敗爾

蕩八章章八句

抑衛武公刺厲王亦以自警也

疏曰楚語云昔衛武公
年九十有五矣猶箴儆

於國曰自卿以下至於師長苟在朝者無謂我耄而捨我於是乎作懿以自儆韋昭云懿詩大雅抑之篇也抑讀曰懿如昭之言武公年耄始作抑詩案史記衛世家武公者僖侯之子共伯之弟以宣王三十六年即位則厲王之世武公時為諸侯之庶子耳

厲王之世武公為諸侯庶子作此詩刺厲王因以自警至老常誦之也詩補傳得之孔氏謂武公追刺厲王詩記非之以為其在于今興迷亂于政豈追刺之語乎今考年表武公以宣王十六年即位詩記以為其齒四十餘是也疏以為武公宣王三十六年即位

恐誤矣

抑抑威儀

賓之初筵傳曰抑抑慎密也

維德之隅

傳曰隅廡也。廡者角也。廡者

稜也。角必有稜。故云廡隅。以此屋之外角喻人之外貌。由內方而外正。故觀外而知內。

人亦有言

靡哲不愚。庶人之愚亦職維疾。

王氏曰。孔子云古者民有三疾。

哲人之

愚亦維斯戾。

傳曰。戾罪也。

廡隅者屋之外角。喻人之外有威儀也。凡宮室觀其外有廡隅則知其在此之制必方正也。如人外有抑抑然謹密之威儀則知其在此之德必嚴正也。人有

常言無有哲而不愚者哲而自廢其所守則為愚矣
惟聖罔念作狂豈可不自謹其威儀哉彼無人之愚
是其稟賦之偏如生而有疾非其罪也主於疾而已
唯哲人自廢縱而為愚是則可罪也罪之者以其自
取也武公所以自警者切矣。抑詩多自警之意所
言修身治國平天下之道與中庸大學相表裏首章
第一義言威儀之當謹威儀云者聲音笑貌云乎哉
容貌顏色曾子所謂道動容周旋中禮孟子所謂盛

德蓋有諸中形諸外也

曹氏曰哲人性明本無過惡然而外貌斯須不莊不敬則

易慢之心入之矣易慢之心一萌則欲之敗度縱之敗禮何所不至故昔之哲者反化而為愚其罪在此也

無競維人

箋曰競彊也。今曰無競者莫彊也。孟子云晉國天下莫彊焉。經中言無競皆同。孟子彊

字作強

四方其訓之

傳曰訓教也。今曰以為訓也。

有覺德行

去聲。今曰釋文云

覺知也。悟也。猶孟子所謂先覺也。

四國順之訏謨定命

訏音吁。傳曰訏大也。謨謀也。

遠猶辰告

箋曰猶圖也。傳曰辰時也。今曰入告爾后于內之告

敬慎威儀維民

之則

箋曰則法也

莫彊者人也能得人則四方皆倣之以為訓矣形勢
非彊而得人為彊也有覺悟者德行也有德行則四
國服從之矣欲明明德者先致其知也用賢修己治
道之大端舉矣猶不敢輕出之也其於政事必有訐
大之謨以堅定其命令謂先定大計也建謀立畫不
貴自用必使深遠之圖得以時時入告謂廣覽兼聽
也如是而益謹其威儀以儀形天下則治道備矣朱氏
曰大謀謂不為一身之謀而有天下之慮也定審定
不改易也命號令也遠圖謂不為一時之計而為長

久之規也

其在于今興

自厲王興起之初。今曰興起也。言起而

即王位也迷亂于政顛覆厥德荒湛于酒

湛音耽。箋曰荒廢也。釋文曰湛

樂之甚

女雖湛樂從

女音汝

弗念厥紹

傳曰紹繼也

罔敷求先王

箋曰敷廣也

克共明刑

共音拱。王氏音恭。傳曰共執也

今厲王之興即迷亂于政傾敗其德政荒則國不治

德喪則身不修皆由荒湛于酒也汝雖湛樂是從獨

不思念繼紹之事乎汝不以繼紹為念故不復廣求

先王之道而執守明法也

肆皇天弗尚如彼泉流無淪胥以亡

傳曰淪率也。箋曰胥相也。風

興夜寐洒埽廷內

洒鯢之上埽音譟。今曰庭宮中也。廷朝廷也。廷內指宮庭而字作廷易

揚于王庭指朝廷而字作庭古字通用。黃氏曰庭內云者微辭也去讒遠色賤貨而貴德豈非洒埽庭內之意乎。疏曰假廷內不埽以見職事不理耳。李氏曰只是修潔其朝廷耳。維民之章

傳曰章表

也修爾車馬弓矢戎兵用戒戎作用遏蠻方

遏音惕。傳曰遏遠

也。今曰左傳豈敢離邊

王湛樂如此故今皇天不尚其所為君臣皆將滅亡

如衆泉之流更相灌注一處決潰則衆流俱竭是淪
率相與以亡也今宜改過早起夜寐洒掃宮室之內
言閨門之間當修絜而自新也如此則可以表示於
民矣又不可忘意外之變故修治其車馬及弓矢戎
兵之器用此以戒備兵事之起用此以遏遠蠻方使
之不敢來侵庶幾未至於亡耳

質爾人民

今日民之質矣之質質爾猶云樸以皇質使之淳也

謹爾侯度

蘇氏曰侯度天

子所以御諸侯之法度也

用戒不虞

朱氏曰不億度而至之禍也

慎爾出話敬爾

威儀無不柔嘉

詩記曰柔遜順也。箋曰嘉善也。

白圭之玷

點店二音。傳曰玷缺

也

尚可磨也斯言之玷不可為也

王又當質爾人民毋導之以浮靡又當謹其所以御諸侯之法度必如是而後可以戒備不虞之變也其本則在修身故當謹爾之出言敬爾之威儀無不柔順嘉善白玉為圭其有玷缺尚可磨鑢而平

鑢音慮

言

語一有缺失不可復改矣故言不可不謹也

無易由言

易音異

無曰苟矣莫捫朕舌

捫音門。傳曰莫無也捫持也。疏

曰釋詁云朕我也自
周以前朕為通言

言不可逝矣

箋曰逝往也

無言不讎

朱氏

曰讎

無德不報惠于朋友

箋曰惠順也

庶民小子

疏曰小子子弟也

今曰酒誥文王誥教小子注云民之子孫也

子孫繩繩

蘇氏曰繩繩不絕今曰如繩之牽連不

絕萬民靡不承

由言者自由之言所謂唯其言而莫予違也王無得

輕易自由以言無得言曰我出言苟且如是今雖無

人執持我舌然言出則往而不可追矣王無有出言

而人不讎答之者無有施德而人不報復之者言必

應也王苟能惠順于羣臣朋友下及庶民與其小子則子孫繩繩然相繼不絕而萬民亦莫不承順之矣
宜民宜人則福祚無窮也

視爾友君子輯柔爾顏

輯音集。傳曰輯和也。

不遐有愆

箋曰遐遠也。

相在爾室

相去聲。朱氏曰相視也。

尚不愧于屋漏

傳曰西北隅謂之屋漏。箋曰

屋小帳也。漏隱也。禮祭于輿既畢改設饌于西北隅而扉隱之處此祭之末也。扉音翡。又音肥。疏曰天官冢人職掌帷幕幄帟注云帷幕以布幄帟以繒為之。幄在帷幕之內帷幕是大帳幄為小帳。禮之有帷幕皆于野張之以代宮室。其宮內不張幕也。幄則室內亦有之。屋漏者室內處所之名可以施小帳而漏隱之處正謂西

北隅也言不愧屋漏則屋漏之處有神居之矣故言祭時於屋漏有事之節禮祭于與中既畢尸去乃改設饌食西北隅非隱之處此祭末之時事也審莫歷反帝音亦。曹氏曰爾雅云西北隅謂之屋漏蓋非隱之處也凡祭設饌於與與室之西南隅尊者所居也既畢然後改設饌於西北隅佐食闔戶牖降所以求神於幽也今祭畢而設饌於屋漏非隱之處禮煩力倦或無曰不顯有墮容人雖不親神實臨之可得而欺邪

莫予云覲

古侯反。傳曰覲見也。

神之格思

傳曰格至也。詩記曰思語辭也。

不

可度思

度音鐸。

矧可射思

射音亦。箋曰矧況也射厭也。

視爾親友君子之和柔其顏色以接之庶幾不遠有過此顯明之地人皆知修飭也視爾獨居於室中

之時當庶幾無愧于西北隅隱漏之處無曰此非顯
明之處而莫予見也當知神之至也不可得而測度
豈可厭倦而不敬乎此發心學之興而以鬼神言之
猶中庸言微之顯誠之不可揜也不度不射乃無思
無為寂然不動之時程子所謂主一無適尹氏所謂
其心收斂不容一物慈湖所謂澄然湛然者也

朱氏
中庸

章句曰隱暗處也微細事也獨者人所不知而已所
獨知之地也言幽暗之中細微之事跡雖未形而幾
則已動人雖不知而已獨知之則是天下之事無有
著見明顯而過於此者是以君子既常戒懼而於此

尤加謹焉所以過人欲於將萌而不使其滋長於隱微之中以至離道之遠也又曰君子戒謹乎其目之所不及見恐懼乎其耳之所不及聞瞭然心目之間常若見其不可離也而不敢有斯須之間以流於人欲之私而陷于禽獸之域若言防怨而曰不見是圖言事親而曰聽於無聲視於無形蓋不待其證於色發於聲然後有以用其力也又曰道固無所不在而幽隱之間乃他人之所不見而已所獨見道固無時不然而細微之事乃他人之所不聞而已所獨聞是皆常情所忽以為可以欺天罔人而不必謹者不知吾心之靈皎如日月既已知之則其毫髮之間無所潛遁又有甚於他人之知矣又况既有是心藏伏之久則其見於聲音容貌之間發於行事施為之實必有暴著而不可掩者又不止於念慮之差而已也是以君子既戒謹乎耳目之所不及則此心常明不為物蔽而於此尤不敢不致其謹焉必使其幾微之際

無一毫人欲之萌而純乎理義之發則
下學之功盡善全美而無斯須之間矣

辟爾為德

辟音闢。箋曰辟法也。

俾臧俾嘉淑慎爾止不愆于儀

不僭不賊

傳曰僭差也。

鮮不為則

鮮上聲。

投我以桃報之以李

彼童而角

傳曰童羊之無角者也。今日箋以童羊譬皇后而角喻與政事今不從實虹小

子

虹音紅。傳曰虹潰也。曹氏曰蝦蟇也。今日虹謂幻惑也如蝦蟇不正之氣暫見于天須臾散滅武

公時為諸侯之庶子故自稱小子也

此章言上行下倣天下皆法爾之德視倣於爾爾當

使之為臧善使之為嘉美毋導之以惡也故必淑善

敬謹爾之容止不過愆於威儀不僭差不賊害則少
不為人所法則者如人擲我以挑我必報之以李爾
為善而民以善應之必然之理也若身不善而責民
之善猶索童羊之有角實惑我耳不可信也○舊說
武公以小子稱厲王如周公稱成王為孺子非也今
考楚語云衛武公年九十有五矣猶箴儆於國此言
其末年也年表武公終於平王之十三年詩記推武
公即位年四十餘其為世子作此詩之時年二三十

耳不應斥時王為小子也若以為追刺則前王已往
當代臣子尤不得斥為小子矣

荏染柔木

荏壬之上染上聲。曹氏曰荏染柔意也。

言緡之絲

緡音關。傳曰緡被也。

箋曰被之弦以為弓

溫溫恭人

傳曰溫溫寬柔也。

維德之基其維哲人告

之話言

傳曰話言古之善言也。

順德之行其維愚人覆謂我僭

覆音

福。箋曰覆猶反也。今曰僭躐也。

民各有心

厲王剛愎拒諫觀其監謗氣象可見故告以有荏染
然柔忍之木乃緡被之以絲弦而為弓亦猶溫溫然

寬柔之恭人乃為德之基本蓋人主必寬柔然後能容受直言而德日進也其維賢哲之人告之以善言則順其德而行之其維愚蔽之人反謂我言為僭躐人各有意見何得以汝所見為是而彊王之從也武公以諸侯庶子而論國家之理亂發義理之精微故愚人以為後生僭躐也

於乎小子

於乎音嗚呼。釋文曰凡於乎二字相連皆放此

未知臧否

音鄙

匪手

攜之言示之事匪面命之言提其耳

提音啼

借曰未知亦

既抱子民之靡盈

歐陽氏曰靡盈不自滿

誰風知而莫成

莫音暮。傳曰

暮晚也

此章武公自警之辭因上章人謂已為僭而內自省也歎言我小子涉歷尚淺誠未知事之善惡然嘗親炙於長者矣長者非但攜我之手且示我以已驗之事非但面命我且提我之耳而告之謂親承其教誨而非剽聞於人也借曰我未有所知亦已抱子為人父矣年齒浸加日月逝矣豈可不汲汲自勵以力踐

所聞而侵尋虛老一生邪學問之道患在自滿則不
復有進人若能不自盈滿豈有早聞道而晚乃成者
乎謂已早聞先生長者之教今當去箇矜字庶能佩
服而勿失之此見武公切問近思工夫也○舊說以
小子為斥王左傳襄公四年魯人之歌云我君小子
是古人稱幼君為小子武公時為世子則不可斥王
為小子也至若攜手提耳豈君臣之辭哉或又以為
武公老作此詩故呼其同僚為小子武公學問深粹

謙抑自處年九十有五猶求益於其國之臣若哆然以老成自處而呼王朝同寮為小子不似武公之氣

象也曲禮云長者與之提攜則兩手奉長者之手

奉芳

勇反負劒辟呬詔之

辟音僻呬音二

註云傾頭與語又云口耳

之間曰呬是攜手提耳皆長者教誥小子之常此詩所言形容親承之意耳正淇與所美切磋琢磨也

昊天孔昭我生靡樂

音洛

視爾夢夢

音蒙

傳曰夢夢亂也。孫炎云昏昏之

貌也

我心慘慘

勝之上。傳曰慘慘憂不樂也

誨爾諄諄

箋曰口語

聽我

諄諄然

聽我

藐藐

音莫字亦作貌。箋曰藐藐然。忽略不用。疏曰不聽受之貌。

匪用為教覆用為

虐借曰未知亦聿既耄

音冒。傳曰耄老也。今日聿遂也將然之辭。

昊天甚明照察於我我不樂其生也蓋視王之意夢

夢然昏亂我心之憂慘慘然憔悴我誨爾諄諄然詳

熟汝聽我藐藐然不入不以我言為教乃反以我為

虐借曰我未有所知然亦從此將老矣豈可以吾言

為不足聽乎時武公未老故言亦聿既耄猶九月蟋

蟀在堂歲實未莫而言歲聿其莫也

於乎小子告爾舊止

箋曰止辭也

聽用我謀庶無大悔天方

艱難曰喪厥國

喪去聲

取譬不遠昊天不忒

箋曰忒差也

回適

其德

疏曰回適邪僻也

俾民大棘

箋曰大棘大困急也

又歎言我小子非敢臆說所告爾者皆先世舊章王

能聽用我謀庶幾不至於大悔天方艱難將喪滅其

國譬如夏商其類不遠天之福善禍淫豈有差忒哉

皆王為邪僻之行使民至於大急自取之也

抑十二章三章章八句九章章十句

桑柔為伯刺厲王也

箋曰為伯畿內諸侯王卿士也字良夫。疏曰書序云巢伯來朝為

伯作旅巢命武王時也顧命同召六卿為伯在焉成王時也桓九年王使虢仲為伯伐曲沃桓王時也此又厲王之時世在王朝常為卿士故知是畿內諸侯為王卿士也書序注云為伯周同姓國在畿內則為伯姬姓也杜預云為國在馮翊臨晉縣則在西都之畿內也顧命注為伯入為宗伯畿內而言入者入有二義若對畿內則畿外為入衛武公入相于周是也若對在朝無封爵者則有國者亦為入畢國亦在畿內顧命注亦云畢公入為司馬是也文元年左傳引此云周為良夫之詩曰大風有隧知字良夫也

莞彼桑柔

莞音鬱。傳曰莞茂盛貌。

其下侯甸

如字又音荀。傳曰甸言陰均也。

將采

其劉

將力活反。王氏曰劉殺也殺言盡之也。蘇氏曰殘也。今曰書盤庚重我民無盡劉左傳虔劉

我邊

瘼此下民

瘼音莫。傳曰瘼病也。

不殄心憂

箋曰殄絕也。

倉兄填

今

倉兄填音創。況陳。蘇氏曰倉悲也。說文曰傷也。錢氏曰倉讀如愴。兄讀如況。古文假借未加偏旁。

也。傳曰兄滋也。填久也。疏曰況訓賜也。賜人之物則滋多。故況為滋也。今日兄與況字同。況也永歎訓

茲此倉兄及下文亂沉斯削訓滋。

倬彼昊天

倬明大貌。

寧不我矜

箋曰矜哀也。

興也。莞然茂盛之桑。其葉雜而柔濡。其下陰均人息。

其下者得其芘蔭也。及蠶者將采。一朝殘盡之。則其

樹下之民病於日所暴矣。亦猶王剝喪其德。則民不

得其芘蔭也。君子憂之不絕於心。悲愴滋久而不已。

於是呼倬然明大之昊天而訴之曰寧不衰矜我乎

蘇氏曰桑之為物其葉最盛然及其采之也一朝而盡無黃落之漸言周之盛也如桑之方茂厲王肆行

暴虐以敗其成業王室忽然凋弊如桑之既采

四牡騤騤

音葵。傳曰騤騤不息也。

旃旒有翩

旃旒音與。翩音篇。旌旒見鄘干旌旒。

解見出車。錢氏曰翩飛揚也。

亂生不夷

傳曰夷平也。

靡國不泯

音敏。泯滅也。

民靡有黎

音黎。今曰黎衆也。書黎民於變時雍詩羣黎百姓皆衆也。王氏以黎為黑如黔首之義。

然民靡有黑則不辭矣。

具禍以燼

音盡。箋曰具俱也。災餘曰燼。疏曰燼是焦燭既然之餘焦。

音於乎有哀

於乎音烏呼。

國步斯頻

傳曰步行也。頻急也。曹氏曰國步猶天步也。

天之所行謂之天步則國步者國之所行也。陳氏曰國步國運也。

王政不綱諸侯相攻故兵車駕其四牡駢駢然不息所建旗旐翩然飛揚禍亂日生而不平夷無國不見殘滅也民無羣衆之聚甚稀疎矣俱遇此禍將為灰燼而無餘矣嗚呼可哀乎國運如此之頻急也。

四牡駢駢旐旐有翩或考厲王無征伐之事遂以為使臣奔走於道路然味詩之意政是厭苦兵革如杜甫所謂車轉轉馬蕭蕭下言靡國不泯知為諸侯相

攻矣

國步蔑資

滅音

天不我將

箋曰將猶養也

靡所止疑

音逆魚涉反朱氏音

吃魚乞反今韻畧音疑魚陵反音雖不同皆訓定也

云徂何往

朱氏曰徂亦往也

君子實

維

今日君子指厲王

秉心無競

傳曰競彊也。今日謂自彊也。執競武王

誰生厲階

傳曰厲惡也

至今為梗

音鯁。傳曰梗病也。錢氏曰水上浮木壅水者。今日飄蓬斷梗

國運困窮無所資賴天不我養無所止定內不得安

也云欲往而果何所往外無可向也厲王不自彊以

為善復是何人生此禍亂之階至今為梗病乎王實

為之也

憂心慙慙念我土宇

解見卷阿

我生不辰

箋曰辰時也

逢天憚怒

憚音賣。傳曰憚厚也。

自西徂東靡所定處

音杵

多我覲瘠

音閏又音昏

疏曰覲遇也。箋曰瘠病也。

孔棘我圍

音語。箋曰棘急也。傳曰圍垂也。疏曰邊垂也。

周家土宇旼章今日以侵削矣故我憂心慙慙然念

之也我生不得時正逢天之厚怒自恨生於亂世也

是時鎬京在西中原在東自西至東無有寧居者言

京師及中原皆亂也京師及中國既亂我見其病已

多矣而我邊垂又甚急是內外皆不得其安也

為謀為慮

音秘。傳曰慮慎也。

亂况斯削告爾憂恤

箋曰恤亦憂也。

誨爾

序爵

箋曰次序賢能之爵。李氏曰爵自有序上賢則加以上爵中賢則次之下賢則又次之若小加大

淫破義遠間親新間舊則失其序矣

誰能執執逝不以濯

今考唐風噬肯來遊朱氏云發

語辭蘇氏云噬逝通。傳曰濯所以解熱也。

其何能淑

箋曰淑善也。

載胥及溺

箋曰

胥相也及與也

此教王以用賢言王非不為計謀非不為謹慮然而禍亂滋甚益以侵削是謀之不得其道而所與謀者

非人也故我今告爾以當憂恤之事誨爾以次序官
爵辨別賢否之道誰能手執熟物而不以水濯之乎
以水濯手所以殺其熱欲止亂而不用賢猶欲止熱
而不以濯也今王之所任者其何能善乎則相與陷
溺於禍難而已

如彼遡風

遡音素。傳曰遡嚮也。

亦孔之僂

音愛。傳曰僂也。也。烏合反。箋曰使

人呢然不能息。疏曰郭璞云嗚也。短氣也。風呢人氣使人不能喘息。

民有蕭心莽云不

逮

莽音烹徐音緝。傳曰莽使也。解見小意。賤曰逮及也。

好是稼穡

好去聲

力民

代食

疏曰司勳云治功曰力則力民謂有稼穡維寶

箋曰

耕種曰稼
收歛曰穡

代食維好

如字

君子視厲王之亂如邇嚮於疾風亦甚優詆使人短氣而不能喘息也民本有恭肅之心而王乃使之怠慢不及事謂奪其農時使不得耕耨也今當好是稼穡言重農也其有功力於民者則使之代耕而食言任賢也蓋稼穡當以為寶而不可輕食祿以代耕者當擇其人之好而不可濫也

天降喪亂滅我立王降此蟲賊

箋曰蟲食苗根曰蟲食節曰賊稼穡卒

痒

音羊。箋曰卒盡也。痒病也。

哀恫中國

恫音通。○箋曰恫痛也。

具贅卒荒

音贅

綴。○傳曰綴屬也。荒虛也。○疏曰贅猶綴也。○朱氏曰言危也。春秋傳云君若贅旒然。

靡有旅力

旅力解見北山

以念穹蒼

王氏曰穹蒼天也

天今降此喪亂將滅亡我所立之王謂王室也是以

降此蟲賊之蟲使稼穡盡病可哀痛乎中國之人皆

贅屬而危矣盡荒虛而空矣羣臣無有盡衆力以念

及天意者是代食者其人非好也

維此惠君

箋曰惠順也

民人所瞻秉心宣猶

今曰宣布也。箋曰猶謀也。

考慎其相

鄭去聲毛如字

維彼不順自獨俾臧

今曰自獨猶獨自也。箋曰臧

善也

自有肺腸俾民卒狂

維此順道之君為百姓所瞻仰內則能秉持其心而有常德外則宣布其謀而不自用又考察謹擇其輔相維彼不順道之君乃欲用獨自之見而使之善何由得善乎以已自有肺腸行心所欲不謀於衆故使民盡迷惑如狂也自有肺腸即抑詩民各有心也

瞻彼中林。姓姓其鹿。

姓音莘。傳曰：姓衆多也。

朋友已譖。

今莊陰反。舊音。

借

不胥以穀。

箋曰：胥相也。穀善也。

人亦有言：進退維谷。

傳曰：谷窮也。䟽曰：

谷是山谷墜谷。是窮困之義。

視彼林中，其鹿羣輩同行。姓姓然衆多，今羣臣相讒。

不能有善禽獸之不如也。人亦有言：無道之世，進退

皆窮如陷山谷然。

維此聖人，瞻言百里。

錢氏曰：聖人聽言迎解其意。

維彼愚人，覆狂以

喜。

覆音福。

匪言不能，胡斯畏忌。

傳曰：胡之言何也。

聖人於人之言能瞻之於百里之外謂望之而喻其
意也若彼愚人禍敗已迫而不自知方且狂迷而喜
樂不以為憂如此則雖諄諄然誨之亦不悟矣我非
不能言如此畏忌何言王監謗將得罪也

維此良人弗求弗迪

傳曰迪進也○今曰書不迪有顯戮其尚迪果毅注迪進也又夏迪

簡在

王庭維彼忍心是顧是復

疏曰顧眷也復重也○今曰復如顧我復我之復

民

之貪亂

箋曰貪猶欲也

寧為荼毒

荼音徒○疏曰荼苦菜也毒螫蟲也

維此善人王不求索之不進迪之維彼有殘忍之心

者王乃顧視而眷念之重復而綢繆之天下之民苦王之政欲其亂亡故寧為荼苦毒螫之行以相侵暴而不之恤也

大風有隧

大如字鄭音泰隧音遂○傳曰隧道也

有空大谷維此良人作

為式穀

今日式法也穀善也從鄭

維彼不順征以中垢

音苟○今日征猶攻也

曹氏曰征猶討也中垢猶內污也蓋以閨門之事汚蠆之若王鳳之誣毀王商是也蠆音蔑

大風損物喻小人也其來有隧道必從空大谷中喻

小人乘虛而至也若主德剛明君子道長則國有充

實之象小人無由至矣善人所作為之事皆合於法
皆本於善無可指摘彼不順之小人乃攻以內汙之
事蓋其立朝行已無間可乘唯以曖昧之言誣之使
之無由自明耳此小人陷君子之常也

大風有隧貪人敗類

敗音拜。箋曰類等夷也。

聽言則對

箋曰對答也。

誦

言如醉

箋曰誦詩書之言。

匪用其良覆俾我悖

音佩。箋曰悖逆也。今曰韻

亦作諄
亂也

大風有隧道而至如貪人有緣由而至也貪人進則

善類敗矣小人好人從已唯聽彼之言則喜而對答之誦古人之言以告之則不悅而如醉不對之矣彼既不用善言而欲使人從已是反使我悖亂於道也

疏曰樂記魏文侯自言端冕而聽古樂則惟恐卧史記稱商鞅說秦孝公以帝道孝公睡而弗應皆是心所不悟如醉然也。朱氏曰厲王說榮夷公為良夫曰王室其將卑乎夫榮公好專利而不備大難夫利百物之所生也天地之所載也而或專之其害多矣此所謂貪人其榮公也歟

嗟爾朋友

朱氏曰察友也

予豈不知而作

今日即下章既作爾歌之作

如彼

飛蟲

疏曰蟲是鳥之大名故曰羽蟲三百鳳凰為長

時亦弋獲既之陰女

陰王如字

鄭音陰女音汝。曹氏曰陰蓋覆不暴揚之。

反子來赫

鄭許嫁反毛如字。釋文曰亦作嚇音鐸。

莊子以梁國嚇我。是也。曹氏曰以言欺人也。

嗟爾寮友汝蹤跡詭秘我豈不知實事而妄作此詩乎如彼蟲鳥之飛時亦為弋者所得吾之言亦有時而中也予既覆蓋於汝不暴揚汝之事汝反謂予不知而來欺赫予也

民之罔極

罔極解見衛風。朱氏曰民之貪亂而不知所止。

職涼善背

涼毛如字鄭音

亮背音佩。箋曰職主也。傳曰涼薄也。疏曰莊三十二年左傳云虢多涼德。朱氏曰善背工為反覆也。

為民不利如云不克民之回適職競用力

今曰競強也謂強禦也

涼言刻薄競言彊禦盜言貪黷三者皆謂小人當時必有所指由此三小人致亂故皆以職言之民之亂無窮極者主由此刻薄之人善為欺背之事也彼為民所不利之事如恐不勝也民之所以邪僻者主由此彊禦之人用力為虐也

民之未戾

傳曰戾定也

職盜為寇涼曰不可覆背善言

音雖利

曰匪予既作爾歌

民之所以未定者主由此盜臣為寇攘之行也羣小
不和自相毀訾其涼者見盜者貪黷已甚亦言其不
可而覆背以訾之矣謂其黨亦自知其非也涼背盜
而訾之故上章言職涼善背也善訾工於罵也涼者
雖歸咎於盜欲自文飾言此亂非我所致然我已作
誦歌不可隱諱矣承上章予豈不知而作之意詩記此
詩本厲王之亂在於用小人
故於聽任之際屢致意焉

桑柔十六章八章章八句八章章六句

詩緝卷二十九

欽定四庫全書

詩緝卷三十

宋 嚴粲 撰

雲漢仍叔美宣王也

箋曰仍叔周大夫也春秋桓公五年天王使仍叔之子來聘宣

王承厲王之烈

朱氏曰烈暴虐也

內有撥亂之志

疏曰何休注公羊云撥猶

治也遇裁而懼側身修行

去聲。疏曰側反側也憂自不安

欲銷去之上

聲

天下喜於王化復行

復扶又反

百姓見憂

疏曰百姓見被憂矜

故作

是詩也

宣王即位初年遇旱未有施設天下已喜於王化復

行者以其有憂民之心而預期之也

解頤新語曰宣王興起他未及

施為首以百姓為憂可謂知本矣故天下已深喜之謂其能復行王化也昔春秋之時宋大水魯使弔焉

曰孤實不敬天降之災又以為君憂拜命之辱既而聞之曰公子御說之辭也臧孫達曰是宜為君有邇

民之心夫列國之公子出其言善君子謂其可以為君則宣王因旱而憂百姓王化復行何疑之有御說

悅音禦

倬彼雲漢

倬音卓。桑柔傳曰倬明大貌。箋曰雲漢天河也。疏曰河精上為天漢。曹氏曰或

謂水氣在天為雲水象在天為漢或謂箕斗間為漢津謂出漢津謂之雲漢皆非也夫雲合散不常漢則隨天

而轉漢之在天似雲而非雲故曰雲漢也史遷云漢者金之散氣其本曰水張衡云水精為漢左傳昭十七年星孛及漢梓慎云漢水祥也雨者昭回于天箋曰昭光水之施也天將雨其兆先見於漢昭回于天也傳曰回轉也疏曰水氣精光也曹氏曰天漢起于東方經尾箕之間是為漢津委蛇向西南行至七星南而沒此其四旋王曰於乎音呼何辜今之人天降喪亂饑饉之度也

薦臻

薦音荐。傳曰薦重也臻至也。

靡神不舉

箋曰靡無也。

靡愛斯牲

曹氏曰左

傳謂天災有幣無牲此諸侯之禮耳若祭法所謂祈禳於坎壇雩宗祭水旱皆用少牢天子則有牲矣宗鄭讀

為崇禋敬反

圭璧既卒

傳曰卒盡也

寧莫我聽

協句平聲。箋曰寧曾也。

宣王憂旱夜不能寐起觀天象以占雨候見倬然明

大之雲漢精光回旋於天夜晴無雲則天河明未有
雨候也宣王於是歎傷曰嗚呼今之人何罪乎而天
降此喪亂使饑饉重至謂頻年旱也我之禱雨無有
神而不舉祭之者牲玉皆所以供祭祀牲則不敢愛
圭璧則用之已盡神曾莫我聽乎。此詩多用寧字
或訓曾或猶偏或為願辭或訓安不可執一今隨文
解之

旱既大甚

大音泰

蘊隆蟲蟲

王氏曰蘊隆蘊積隆盛。疏曰釋訓云蟲蟲熏也郭璞云

旱熱熏炙人也

不殄禋祀自郊祖宮

箋曰宮宗廟也

上下奠瘞

音瘞傳曰上

祭天下祭地。疏曰奠謂置之於地。釋文曰瘞埋也。

靡神不宗

箋曰宗尊也

后稷不

克

錢氏曰克勝也

上帝不臨耗斁下土

斁音始。箋曰斁敗也。

寧丁我躬

曹氏曰說文云寧願辭也。傳曰丁當也。

天久不雨旱既大甚矣其旱氣蘊積隆盛蟲蟲然其

熱熏人我為禱雨之故禋祀未嘗止絕從郊而至宗

廟上祭天下祭地奠其禮瘞其物無有神而不尊祀

之者在宮之神莫尊於后稷非不臨顧我而力不足

以勝旱災在郊之神莫尊於上帝力足以勝旱災而不肯臨顧我與其為旱以耗敗下土寧使災禍當我

之身此至誠慘怛之辭也

李氏曰史記宋世家熒惑守心宋之分野也景公憂

之司星子韋曰可移於相景公曰相吾之股肱曰可移於民公曰君者恃民曰可移於歲公曰歲飢民困吾誰為君子韋曰天高聽卑君有愛人之言三熒惑宜有動於是候之果徙三度

旱既大甚則不可推

吐雷反。今曰不可推如孟子言王無罪歲宋景公不欲移災於股

肱之兢兢業業

傳曰兢兢恐也業業危也。今曰業業危動恐懼也。然民四壯業業鄭氏以為

動當為動而不息常武赫赫業業毛氏以為動當為震動可畏此詩及召旻兢兢業業長發有震且業毛氏皆

以為危當為危動恐懼
三說不同皆動之意

如霆如雷

霆解見
采芑

周餘黎民靡

有子遺

疏曰釋訓云子然孤獨之貌言無有子然得遺漏而
不餓病者○曹氏曰說文云子無右臂曰子言其

獨也

昊天上帝則不我遺

疏曰不遺留其
意將欲盡殺也

胡不相畏先祖

于推

在雷
反

宣王言旱既大甚皆已不德所致不可推其過於他
人承上文寧丁我躬之意也吾心兢兢然而恐業業
然而危如聞霆之奮擊雷之發聲也周之民多死亡
矣今所餘之衆民又將無有子然孤獨而存者矣昊

天上帝不使我有遺類何不畏先祖之業摧落乎庶

天以先祖之故而矜念之也

旱既大甚則不可沮

音咀。傳曰沮止也。今曰自沮也。

赫赫炎炎

傳曰赫赫

旱氣也炎
炎熱氣也

云我無所大命近止

大命解見蕩

靡瞻靡顧羣公

先正

傳曰先正百辟卿士也。箋曰雩祀所及者。疏曰正長也先世為官之長月令仲夏乃命百官雩

祀百辟卿士
有益於民者

則不我助父母先祖胡寧忍予

今曰寧猶偏也

宣王言旱既大甚我當多方思所以救之不可自沮

禱祈不應則人易以自沮而怠心生反覆此詩宣王

欲銷天變之意愈堅愈銳可謂不自沮矣旱氣赫赫
然熱氣炎炎然宣王憂之之甚曰我措身無所矣大
命將近謂國將亡也曾無瞻視而顧念之者古者有
德之羣公先世為官之正長凡雩祀所及者則皆不
我佑助父母與先祖之靈何其偏忍於我而不見救
乎

旱既大甚滌滌山川

滌音敵。傳曰滌滌旱氣也。山無木川無水。疏曰蓋以少而不茂

非全無也。錢氏曰洗也。山無木川無水如滌之然

旱魃為虐

魃音跋。傳曰魃旱神也。如快

如焚

恢音談。傳曰恢燎之也。疏曰焚燎皆火燒之名。

我心憚暑憂心如熏

傳曰

熏灼也。疏曰熏灼俱焚炙之義。

羣公先正則不我聞昊天上帝寧俾

我遜

今曰寧願辭也

旱久則山枯川竭故如滌濯然旱魃之神為此虐害

如火之恢燎焚燒我心畏憚暑旱其憂心如為火所

熏灼羣公先正曾不聞知而見察昊天上帝如厭棄

我則寧使我遜去以避賢者無以我故而使百姓受

害也

旱既大甚黽勉畏去

黽音閔。錢氏曰黽勉猶勉強也。

胡寧瘕我以旱

瘕音顛。箋曰瘕病也。

憯不知其故

憯音駢之上。錢氏曰憯痛也。

祈年孔夙方

社不莫

音暮

昊天上帝則不我虞

箋曰虞度也。

敬恭明神宜無

悔怒

始欲遜去既又念民命方急當思救之故黽勉於此

不敢去也天何偏病我以旱乎水旱之災皆由政失

必有以自取之但痛哉不知其何故而致此也知其

故則當速改矣惟不知其故因念恐有得罪於神祇

者我祈豐年則甚早祭四方與社又不晚豈上天不

度知我心乎我敬事神明如是當不恨怒於我而降

此旱災也

曹氏曰月令云孟冬天子祈來年于天宗大割注云天宗謂日月星辰也大割者大殺

羣牲而割之也又云孟春天子以元日祈穀于上帝注云謂以上辛郊祭天也春官籥章氏凡國祈年于田祖歛醢雅擊土鼓以樂田畯注云田祖始耕田者謂神農也后稷配食焉夫自去歲之孟冬已祈今歲之豐稔其祀至於上帝日月星辰神農后稷無不偏及可謂風矣載芟春籍田而祈社稷曲禮云天子祭四方歲偏則方與社亦不莫矣

早既大甚散無友紀

箋曰人君以羣臣為友

鞠哉庶正

鞠音鞠。箋曰鞠窮。

也庶正衆官之長也。○今日鞫與南山句又鞫止之鞫
字與音義同皆窮極也。南山言淫亂之極此詩言勞苦

之疾哉冢宰疾音救。箋曰疾病也。趣馬師氏趣音之

馬解見十月之交。○今膳夫左右今日天官上士二人中士四人下士八人

靡人不周今日周徧也。周爰咨諏無不能止今日無猶

自謂不能而止不為也瞻仰昊天仰音云如何里十月之交悠悠我里箋曰里居

也。○今日田里也。旱則田里無聊也。鄭訓憂破字作悝不若從本字

人君以臣為友相與綱紀四方者今羣臣以救旱之急於常務之可緩者不暇整之故云散無友紀也自

庶官之長冢宰之官皆究心於禱祈賑救之事或奉行之或討論之夙夜不遑以致勞瘁故云窮哉病哉也窮極言勞苦之極也庶正冢宰既皆勞瘁下至趣馬也師氏也膳夫也左右之臣也靡不周徧謂無一人不勞瘁也人皆勉力救荒無有自謂不能而遂止者宣王瞻仰昊天而歎曰田里之間將如何乎必有愁歎之聲矣憂民之辭也。舊說以窮哉疾哉為諸臣勤於事而困於食庶正冢宰位高祿厚恐未至此

又以周為調給羣臣救荒當先及小民不應但調給

有位也

傳曰歲凶年穀不登則趣馮不秣師氏弛其兵馳道不除祭事不縣膳夫徹膳左右布而

不修大夫不食梁士飲酒不樂。疏曰師氏掌使其屬率四夷之隸各以其兵服守王之門外且蹕朝在野外則守列是掌近王之兵故令弛其兵也徹膳者天子日食大牢令減損之左右君之左右摠謂諸臣不修者無所修作

瞻卬昊天有嘒其星

嘒音諱。傳曰嘒衆星貌。

大夫君子昭假無贏

假音格贏音盈。呂氏曰贏餘也。

大命近止無棄爾成何求為我

為去聲。

以戾庶正

傳曰戾定也。

瞻卬昊天曷惠其寧

宣王以旱之故夜不能寐瞻仰昊天不見雲興而唯見嚙然之衆星未有雨證也於是呼其臣而勉之曰大夫君子我之所以昭格於天以禱雨者已無贏餘矣然未得雨則死亡將近不可遂已而棄其前勞更思所以禱祈必得雨而後止所謂則不可沮也若此者非求為我之一身乃所以定衆正也未有民不寧而庶官定者也瞻仰昊天何時惠我以安寧乎

雲漢八章章十句

崧高

崧音崧

尹吉甫美宣王也

箋曰尹吉甫申伯皆周之卿士也尹官氏。曹氏曰

尹官也

天下復平

復音服又扶又反

能建國親諸侯

疏曰能建國親

諸侯雖為申伯發文要是總言宣王之美

褒賞申伯焉

朱氏曰申國名

申伯出封于謝尹吉甫送其行之詩也

崧高維嶽

傳曰崧高貌嶽四嶽也東嶽崧南嶽衡西嶽華北嶽恒

駿極于天

駿音峻

傳曰駿大也極至也

維嶽降神生甫及申

今曰鄭氏注孔子閒居云仲山甫及申伯也

維申及甫維周之翰

傳曰翰幹也。解見維周之棹

四國于蕃

方元反。王氏

曰蕃言

四方于宣

王氏曰宣言敷播

首章以仲山甫比申伯也詩人之意謂申伯佐宣王
中興闢國家之運則其生必不凡故設為神異之辭
言崧然而高竦者嶽也其山駿大極至于天維此嶽
降其神靈以生仲山甫及申伯也當時仲山甫為相
申伯亞於山甫此詩為美申伯而以山甫並言蓋謂
申伯與山甫伯仲間耳借山甫以大申伯也維此申
伯及山甫皆為周室之翰幹四國則予以蕃蔽其患
難四方則予以宣布其德澤蓋山甫兼總內外之任

而申伯則專主蕃宣之職也。此詩首章主申甫而言謂申甫之生必有所自來故推原於嶽降以尊之非申甫實為嶽神也。舊說謂姜氏之先主四嶽之祀嶽神福與其子孫則執着於嶽降之文以辭害意矣此詩言嶽降申甫猶烝民言天生仲山甫耳鄭氏注禮既以甫為山甫而賡詩乃以甫為甫侯自為興義且申伯光輔中興而遠取周道始稟之甫侯以匹之非所以褒揚申伯也蓋泥嶽神福四嶽之子孫謂

申甫皆姜姓耳或者疑甫為字申為國則名稱不類
故以申甫皆為國不知古人文辭難以例拘舜典稱
稷契稷以官契以名漢稱絳灌絳以封邑灌以姓皆
不類也

疊疊申伯

箋曰疊疊勉也。李氏曰按史記周本紀申者乃侯爵也以其為方伯故謂申伯。今日

方伯者一州之牧

王纘之事

纘音纂。箋曰纘繼也。李氏曰王纘繼之以事如北門政事一理

益于邑于謝

王氏曰國之所都亦曰邑。傳曰謝周之南國也。疏曰申伯先受封於中國本近

謝今命為州牧故改邑於謝。今日西漢地理志中國在南陽宛縣後漢地理志謝城在南陽棘陽縣東北百

里申謝其南國是式疏曰南國謂謝旁諸國式則為一州之牧王命召伯傳曰

召公也。○疏曰以常武之序知召伯是召穆公也。王肅云召公為司空主繕治案泰苗序云卿士不能行召伯

之職然則營築城郭召伯所主定申伯之宅登是南邦錢氏曰登升也自卿士為牧伯

故曰世執其功傳曰功事也

次章述封謝也申伯疊疊然勉於職故王繼之以事

其任益重也往邑謂去京師而就國邑也往謝指其

邑之所在也先虛言之後實言之也申伯為一州之

牧使南國有所法式王於是命司空召穆公先營謝

邑以定申伯之居申伯元為諸侯今為州牧於謝是
升此南邦也世世執守其功長為牧也。詩人之辭
多以一事分兩節言之如載脂載牽止是脂牽一事
耳今言載脂則謂塗脂於牽言載牽則謂設牽於車
是剝是蒞止是以瓜為蒞一事耳今言是剝則謂以
刀削瓜言是蒞則謂淹瓜為蒞于周于京止言周京
一事耳今言于周則指國言于京則指國所都之地
此于邑于謝語勢正與于周于京同牋以上于為往

下于為於今不從

王命申伯式是南邦因是謝人以作爾庸

箋曰庸功也

王命

召伯徹申伯土田

李氏曰徹什一之法也公劉遷于豳邑而徹田為糧今申伯之改邑于謝

亦必徹其土田。錢氏曰厲王後徹法漸壞故使召伯正之

王命傅御

錢氏曰王命申伯傅相及

治事之官

遷其私人

傳曰私人家臣也。錢氏曰遷謂禮遣之

三章申上章營謝之事也王又告申伯以改邑之意

云我欲使汝為法於此南邦今因此謝邑之人而為

國以起爾之功言尊顯之也召公於時猶尚未發王

又命名伯云汝往謝邑凡申伯土田以徹法定其稅
賦十取其一王又命申伯傅相及治事之官遷其家
臣而資遣其行也

申伯之功名伯是營有俶其城

俶音觸。王氏曰俶始也。錢氏曰始作之也。

寢廟既成既成藐藐

釋文亡角反。錢氏曰藐藐高貌。

王錫申伯四牡

蹻蹻

音膝。傳曰蹻蹻壯貌。曰本訓舉足行高故為壯貌。

今鉤膺濯濯

鉤膺解見采芑。疏

曰案巾車金路鉤樊纓九就同姓以封申伯異姓而得此賜者以其命為侯伯故得車如上公樊讀作鞞。錢

氏曰濯濯鮮明也。

四章述召伯既營謝及王錫遣申伯也申伯城謝之事乃召伯所營始作其城郭又作寢與廟以定其人神所處此寢廟既成矣既成之貌藐藐然高廣也王將遣申伯乃賜以四牡之馬蹻蹻然強壯又賜以馬婁額之金鉤及在馬膺前之樊纓皆濯濯然鮮明也王遣申伯路車乘馬

乘去聲。傳曰乘馬四馬也。

我圖爾居莫如南

土錫爾介圭

疏曰圭以為相圭九寸鄭以為圭長尺二寸謂之介。詩記曰介圭在周官雖天子

所服韓奕云以其介圭入覲于王則當時諸侯之瑞圭蓋介之為言大也詩人特美大其圭而稱之非周官之

介圭也

以作爾寶

傳曰寶瑞也。疏曰毛以為瑞謂所執之玉鄭以介圭非諸侯所執故以為寶

往近王舅

近音記。傳曰近已也。箋曰近辭也。疏曰如彼已之已也下云王之元舅知姜氏生

宣

南土是保

箋曰保守也

五章申述錫遣之事也王發遣申伯之國賜之以路

車即上文鉤膺金路也賜以一乘之馬即上文四馬

蹻蹻也申伯以異姓受金路異恩也故侈君之賜而

申複言之也王因告申伯我謀爾之所居無如南土

之最善又特賜汝以大圭為汝所執之瑞申伯侯爵

當賜信圭七寸耳稱介圭亦侈君賜而美大言之也
寶玉以分同姓申伯以異姓受賜亦異恩也王又命
之曰往已王舅當於南土是保守也。舊說以上賜
四牡鉤膺是私恩此又以正禮賜之按周禮巾車金
路有鉤本以封同姓申伯以異姓受此賜侈矣乃止
為私恩名器無乃褻乎此詩多申複之辭既曰王命
召伯定申伯之宅又曰申伯之功召伯是營既曰南
國是式又曰式是南邦既曰于邑于謝又曰因是謝

人以作爾庸既曰王命名伯徹申伯土田又曰王命名伯徹申伯土疆既曰謝于誠歸又曰既入于謝既曰登是南邦世執其功又曰南土是保既曰四牡騶騶鉤膺濯濯又曰路車乘馬此詩每事申言之寓丁寧鄭重之意自是一體難以一一穿鑿分別也

申伯信邁

箋曰邁行也

王餞于郿

餞音賤郿音眉又音媚。箋曰餞送行飲酒也。疏

曰郿于漢屬右扶風在鎬京之西也申在鎬京之東南自鎬適申塗不經郿

申伯還南

還音旋

謝于誠歸王命名伯徹申伯土疆以峙其糧

峙音齒糧音張。錢

氏曰時
酒聚也
式適其行
適市專反
箋曰適速也

六章述申伯往謝也申伯於是信行矣郿在鎬京之
西申在鎬京之東自鎬適申塗不經郿時王至豐冊
命申伯於文王之廟故行餞送之禮于郿申伯北就
王命于岐周乃旋反而南行其于謝邑誠然歸之矣
言信邁誠歸蓋申伯志在王室宣王恩隆元舅人疑
其未必往謝故言信邁誠歸謂果然成行也前此申
伯未發之時王已豫命召伯以徹法稅其疆土預峙

具其糧食令自京至國無缺乏用是以速申伯之行
使在道不留滯也。郿豐皆在鎬京之西其地相近
王命申伯為州牧改邑於謝必冊命於文王之廟故
告廟畢而飲餞于郿也祭統云賜爵祿必於太廟召
詔王朝步自周則至于豐注云文王之廟在豐命諸
侯必至豐告廟于周受命亦豐廟也郿即董卓所築

郿塢

漢志音媚

申伯番番

音波番書作番音義同。曹氏曰秦誓云番番良士孔安國以番番為勇武貌然下文以

伋伋勇夫為所不欲則不當以番番為勇武蓋耆艾之狀也。今曰秦誓以旅力既愆為耆番則為耆艾可知

也既入于謝徒御嘽嘽音灘。傳曰徒行者御車者。朱氏曰嘽嘽衆盛也。考見四

壯周邦咸喜蘇氏曰周人也戎有良翰箋曰戎猶汝也翰翰也不顯申伯

傳曰不顯顯也王之元舅文武是憲箋曰憲表也言為文武之表式

七章述申伯至謝此方送行而豫道其事也申伯番

番然耆艾既已入於謝邑其徒行者御車者嘽嘽然

衆盛普天王土侯國皆周邦也南方諸國喜得良牧

於是相慶曰汝有良翰蔽矣州牧得人諸國皆賴之

也申伯為南國所悅如此豈不光顯乎申伯為王之
長舅文人武人皆以為表憲言其文武足法也

申伯之德柔惠且直

疏曰柔惠安順也

柔此萬邦

柔柔之去聲又上聲。錢

氏曰操謂柔伏之。曹氏曰漢公孫弘云操曲木者不累日顏師古注云操謂矯而正之也蓋柔曲而使之直

耳。疏曰周無萬邦因古有萬國舉大數耳

聞于四國

問音

吉甫作誦

箋曰詩者

工師樂人誦之以為樂曲

其詩孔碩

箋曰碩大也

其風肆好

蘇氏曰肆極也

以贈

申伯

箋曰贈送也

八章言作詩送行也臣道以柔順為體然必貴乎正

直所以為全美萬邦若有不服之國申伯為牧能揉
之使順其聲譽聞達于四方今我作是工師之誦其
詩之辭甚大其風足以感動人之善心又極其好以
此贈申伯之行也所言王室依賴諸侯表式皆天下
安危之大計是其詩之大也美其功以勉之是其風
之好也

王氏曰吉甫作此詩以贈申伯而序以為美
宣王則王之美於是乎在蓋唐史臣贊裴度

云非度破賊之難也任度之為難也

申伯信賢矣任申伯者豈不賢乎

崧高八章章八句

烝民尹吉甫美宣王也任賢使能周室中興焉

○中去聲
○疏曰

大宰八統三曰進賢四曰使能注云賢有善行者也能多材藝者也是賢能相對為小別散則皆相通也此不言任用山甫者見王所使任非獨一人而已故言賢能以廣之

宣王命仲山甫築城于齊而吉甫作詩以送之也

天生烝民

傳曰烝衆也

有物有則

傳曰物事也則法也

民之秉彜

音夷○箋

曰秉執也

傳曰彜常也

好是懿德

好去聲○傳曰懿美也

天監有周

箋曰監視也

昭假于下

假音格○箋曰假至也

保茲天子生仲山甫

傳曰仲山甫樊侯也

○疏曰言仲山甫是樊國之君爵為侯而字仲山甫也周語稱樊仲山甫諫宣王韋昭云食采于樊僖二十五

年左傳說晉文公納定襄王王賜之樊邑則樊在東都之畿內也杜預云經傳不見畿內之國稱侯者天子不以此爵賜畿內也如預之言畿內本無侯爵傳言樊侯不知何所案據

首章言天生仲山甫也天生衆民具形而有物稟性而有則則即帝則也以其具於吾身與生俱生不可踰越故謂之則如有耳目則有聰明有父子則有慈孝皆天理之不可踰也民皆秉此常性故皆好此懿德於均稟同賦之中而有賢者獨鍾氣之粹焉是有關於國家盛衰之數而非偶然也今天視有周之德

昭明假至於下故保佑此宣王而生仲山甫之賢以輔佐其中興之功也有周總一代言之天子指宣王也言由先世積德之久故天眷宣王為生賢佐也

孔子閒居舉維嶽降神生甫及申曰此文王之德也謂文武之德施及後世故天生申甫以佐中興與此

詩意同此詩欲美山甫故謂山甫天實生之若所稟

獨厚於人者要之仲山甫能勿喪耳

楊氏曰近取諸身百骸九竅達

之於君臣父子兄弟夫婦朋友皆物也而各有則焉視聽言動必由於禮一身之則也為君而止於仁為

臣而止於敬為子而止於孝為父而止於慈此君臣父子之則也夫婦有別長幼有序朋友有信此夫婦長幼朋友之則也皆天理之常也民秉其常則莫不好德所謂惟皇上帝降衷于下民者如此其生仲山甫也亦若是而已矣

仲山甫之德柔嘉維則

箋曰嘉美也

令儀令色

箋曰令善也

小心

翼翼

箋曰翼翼然恭敬

古訓是式

箋曰古訓先王之遺典也

威儀是力

蘇氏曰力

勉也

天子是若

傳曰若順也

明命使賦

傳曰賦布也

次章備舉仲山甫之德其德柔和而嘉美不過其則言柔得中也令儀則動止雍容令色則容貌溫粹見

於外者無不善矣又小心翼翼然恭敬表裏如一也
又能惟先王之訓典是法惟一身之威儀是勉惟天
子之所行是順天子有明命則使山甫布之○山甫
令儀令色則動容周旋中禮矣猶曰威儀是力何也
有德者固威儀之所自形而謹其威儀者亦所以檢
攝而養其德也故致禮以治躬則莊敬外貌斯湏不
莊不敬而易慢之心入之矣可不勉歟大臣以道事
君而曰天子是順何也順者臣道也坤道也坤元承

天順也六二直方亦順也事君盡禮順也有犯無隱
亦順也將順正救昏出於忠愛無往非順也周語稱
樊仲山甫諫宣王然則天子是若非面從容悅之謂
也

王命仲山甫式是百辟

音壁。箋曰。百辟。百君也。

續我祖考

箋曰。戎。猶汝也。

繼汝先祖先考。李氏曰。山甫祖考。嘗居是官矣。今曰戎。毛氏訓大鄭氏訓汝。今以戎雖小子戎有良翰之

類當從鄭念茲戎功之類當從毛

王躬是保

箋曰。保。安也。

出納王命

朱氏曰。出。承而

布之也。納。行而復之也。錢氏曰。出。謂王所施。行之也。於下。納。謂羣臣奉請復命。納之于上。

王之喉

舌

傳曰喉舌冢宰也。箋曰如王口喉舌親所言也。疏曰上云式是百辟故為冢宰舜命龍特立納言之

官即今之納言也與此出納王命者異

賦政于外四方爰發

箋曰莫不發應

三章備舉仲山甫之職也王命仲山甫曰我以汝為

諸侯之法式續繼汝先祖先考而保安我王躬出王

命則承而布之納王命則行而復之作王之喉舌賦

布其政教於畿外使四方於是發應出納則居中以

通達上下之情賦政則出外以經營四方之治

詩記曰仲

山甫之職外則總領諸侯內則輔養君德入則典司政本出則經營四方式云者表率儀法之謂也保云

者保其身體傳之德義之謂也此章蓋備舉仲山甫之職

肅肅王命

李氏曰肅肅嚴也

仲山甫將之

傳曰將行也

邦國若否

音鄙

釋文曰否惡也舊方九反

仲山甫明之既明且哲以保其身夙夜

匪解

音懈。今曰解怠也

以事一人

四章申上章賦政之事也言肅肅然而嚴者王命也

仲山甫將而行之諸侯之有賢否者仲山甫則辨而

明之山甫既明又哲下以保全其身謂善處功名無

悔吝瑕疵之可指又早夜不解怠以奉事天子

詩記曰明

亦哲也並言之則明者哲之發哲者明之實也既明且哲而後可以保身甚矣保身之難也說者或謂仲山甫事宣王則保身者非全身遠害之謂蓋誤矣保身乃已事豈為治亂而增損哉身體髮膚受之父母不敢毀傷本非末節也至於偷生徇私養小失大如是而全身遠害則君子賤之耳仲山甫在宣王之時羣臣之任遇莫先焉而省察其身奉事其主亦無一毫怠忽信所謂小心翼翼矣。朱氏曰保身蓋順理以守身非趨利避害而偷以全軀之謂也。錢氏曰於一事有見亦可以言明至于哲則無不見也明至於哲盡見天下之理則動容周旋無不中禮而下可保身上能事君不必專在遠害也

人亦有言柔則茹之

茹音孺又音汝。箋曰柔猶濡也。毛昌銳反本又作脆。廣雅曰

茹食也。疏曰取采之入口名為茹。曹氏曰茹者啣之名若茹草茹毛然凡魚肉柔也則吞啣之 周

則吐之

箋曰剛堅強也。曹氏曰骨髓則吐棄之。

維仲山甫柔亦不茹剛亦

不吐不侮矜寡

矜與鰥音義同

不畏彊禦

解見蕩

五章言其剛柔不偏也人有嘗言謂物之柔者人則

茹食之物之剛者人則吐出之喻陵弱而畏彊也惟

仲山甫則柔不茹而剛不吐不侮鰥寡不畏彊禦也

疏曰不侮不畏即是不茹不吐既言其喻又言其實以充之

人亦有言德輶如毛

輶音酉又音由。箋曰輶輕也。

民鮮克舉之

鮮上聲

我儀圖之

箋曰儀匹也。

維仲山甫舉之愛莫助之袞職有關

傳曰袞冕者君之上服也。○箋曰袞職者不敢斥王之言也。

維仲山甫補之

六章推尊其德足以格君也人有常言謂德之在人
根於固有反而求之其輕如毛非難能也而民少能
舉之者自暴自棄也吉甫於儀匹之中圖謀之求其
能舉德者乃維仲山甫能舉之人有不及則賴良朋
切磋之助有愛其人心則亦思効忠益以助之今
吉甫之心雖愛山甫而欲助之而山甫全德吉甫無
可以致其助也王之職有闕失仲山甫能補之使無

闕也袞職者斥王也

仲山甫出祖

箋曰祖者將行祀輶之祭也。曹氏曰顏師古注漢書云祖者送行之祭因饗飲焉。

昔黃帝之子顓祖好遊而死於道故後人祀以為行神其祭設輶於門外是出門而後祖祭故云出祖也。

壯業業

箋曰業業動也。今曰動而不息之意有考見雲漢征夫捷捷每懷靡及。

四牡彭彭

音棚。今曰賤以此為行貌即不息之意考見出車。

八鸞鏘鏘

鸞解見采芑。

箋曰鏘鏘鳴聲。

王命仲山甫城彼東方

傳曰東方齊也古者諸侯之居逼隘則王者遷

其邑而定其居蓋去薄姑而遷於臨菑也。疏曰史記齊世家云獻公元年徙薄姑都治臨菑計獻公當夷王

之時與此傳不合遷之言未必實也。補傳曰竊意夷王時雖遷而城郭未為周備故宣王城之歟。

七章言城齊之後也王命山甫城齊遂為祖道之祭而行其所乘之四馬業業然動而不息其所從之行夫捷捷然而敏常恐不及事也其所乘之四馬彭彭然而行八鸞之聲鏘鏘然而鳴所以為此行者王命仲山甫令往築城於東方之齊國蓋去薄姑而遷臨菑也

四牡騤騤

音達。今日桑桑傳云騤騤不息也。

八鸞喈喈

音皆。錢氏曰喈喈和鳴也。

仲山甫徂齊式適其歸吉甫作誦穆如清風

箋曰穆和也。

仲

山甫永懷以慰其心

八章言作詩送行也山甫往齊而周人望之欲速其歸不欲其久於外也吉甫自言我作此工師之誦穆穆而和如清微之風可以化養萬物山甫心在王室其在外多有所懷思以此詩慰安其心也

烝民八章章八句

詩緝卷三十